

**Uunga siunnersuut: Ilisimatusarfik pillugu Inatsisartut inatsisaat nr. xx, xx. xxx
2018-imeersoq**

Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq

Pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

ISUMALIUTISSIISSUTAA

Siunnersuutip aappassaanneerpeqarnerani tunniunneqartoq

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap suliaqarnermi kingullermi makkuninnga inuttaqarpoq:

Inatsisartunut ilaasortaq Doris J. Jensen, Siumut, siulittaasoq

Inatsisartunut ilaasortaq Mimi Karlsen, Inuit Ataqtigiit, siulittaasup tullia

Inatsisartunut ilaasortaq Laura Táunâjik, Siumut

Inatsisartunut ilaasortaq Nivi Olsen, Demokratit

Inatsisartunut ilaasortaq Sofia Geisler, Inuit Ataqtigiit

Siunnersuut siullermeerpeqarnerata ulloq 8. oktober 2018 kingorna UKA2018 nalaani ataatsimiititaliap misissorpaa.

Siunnersuut manna imm. 200 aamma imm. 201-imut atatillugu ataatsimiititaliap annertuumik oqaluuseraa¹, taakkua aamma UKA2018-imi saqqummiunneqarput. Naak siunnersuut pineqartoq Ilisimatusarfimmut immikkorluinnaq inatsisaagaluartoq, taava UKA2018/200 Ilisimatusarfimmut kinguneqartussaamera tamatumunnga pissutaavoq.

1. Siunnersuutip imarisaa siunertaalu

Siunnersuummi allassimavoq, Ilisimatusarfik pillugu Inatsisartut inatsisaat nr. 19, 19. november 2017-imeersup nutarterneqarneranut inatsisissaq siunnersuutaasoq. Siunnersuulli manna nammineq inatsisaavoq, qaffasinnerusumik ilinniartitaanerit ukiaanerani ataatsimiinnermi saqqummiunneqartumut inatsisissatut siunnersuummut (UPA2019/200)-mut atatillugu isigineqassaaq, kiisalu Inuussutissarsiutinik ilinniartitsinerit pillugit allanngortinneqarnera (UPA2019/201)-p kingunerisassaanik aaqqiinermut

Ilisimatusarfiup inatsisitigut killiffia atuunneralu siunnersuutikkut iluarsiniarneqarpoq. Tamatumunnga ilanngullugu siunnersuutigineqarpoq ilisimatusarfimmi aqutsisut ilinniarsimassusaannik piumasaqaatit kiisalu ilisimatusarfimmi siulersuisut affaasa, tamatumunnga siulersuisut siulittaasuata nunatsinni najugaqarnissamut pisussaaffilerlugit allanngortinneqassasut.

Siunnersuummi aamma ilanngunneqarput Ilinniagartuut siunnersuisoqatigiivisa katitigaanerit instituttit siunnersuisoqatigiivisa pilersinneqarnerat atuunnerallu kiisalu Ilisimatusarfiup aaqqissuussaanerata katiterneqarsimanera.

Siunnersuummi kapitalini kingullerni Ilisimatusarfiup aningaasaqarnera pineqarpoq, tamatumunnga ilanngullugit akiligassanut inatsisitigut pisussaaffiusunut aamma isumaqatigiissutit tunngavigalugit suliassat ukiumut aningaasanut inatsisitigut akuersissutigineqartartut. Siunnersuut aqutugalugu Ilisimatusarfik pisussaaffilerneqarpoq missingersuusiortarneranut, naatsorsuusiortarneranut, naatsorsuutinik tunniussisarnermut kiisalu atorfinitsitsinerimut tunngatillugu Namminersorlutik Oqartussat peqqussutaat malissallugit. Kingullertullu siunnersuutigineqarpoq ilinniartut naalakkersuinerimut

¹ UKA2018/200 – ilinniakkat ingerlaqqiffiusut pillugit inatsisissatut siunnersuut. UKA2018/201 – inuussutissarsiutinigut ilinniakkat pillugit inatsisissatut siunnersuut. Kingorna UPA2019/200-mi aamma UPA2019/201-mi taaneqartut.

tungasutigut ataatsumuussatillugit Iisimatusarfik aningaasartuuteqartussaatur ininillu piareersimatitsisussatut pisussaaffilerneqassasoq.

2. Tusarniaanermi akissutit

Inatsisissatut siunnersuummut nalinginnaasumik oqaaseqaatini imm. 8 allassimavoq inatsisissatut siunnersuut piffissami 27. november 2017-imiit 2. januar 2018-mut tusarniutigineqarsimasoq. Tusarniaanermi akissuteqaatit tunggavigalugit Naalakkersuisut siunnersuummi allannguisimapput kinguneranillu siunnersuut tusarniutigineqaqqissimalluni piffissami 11. Juni-miit 6. juli 2018-mut. Tusarniaanermi akissutit tiguneqarsimasut inatsisissatut siunnersuummut ilanngunneqarsimapput, tamannalu inatsisartut siulittaasoqarfiani ilusissatut piunasaqaatigineqartunut naapertuuppoq. Naalakkersuisut tusarniaanermi siullermi akissuteqaatit naapertorlugit siunnersuut nalimmassarsimammassuk tusarniutigeqqillugulu ataatsimiititaliamit iluarisimaarneqarpoq.

3. Apeqqutit

Ataatsimiititaliap siunnersuummik suliaqarnerminut atatillugu Ilinniartitaanermut Kultureqarnermut, Ilageeqarnermullu Naalakkersuisoq qinnuigisimavaa apeqqutit arlallit akeqqullugit. Inatsisissatut siunnersuut manna UPA2019/200-mut aamma UPA2019/201-mut attuumassuteqarmat taakkununga siunnersuut pingasunut apeqqutinik ataatsimoorussanik tunniussissalluni ataatsimiititaliaq aalajanerpoq. Ataatsimiititaliap apeqqutaasa akissuteqaatillu assilineqarneri **Ilanngussaq 1-tut aamma 2-tut** isumaliutissiisummut matumunnga ilanngunneqarput taamatuttaaq apeqquteqaatit akissuteqaatillu assilineqarneri UPA2019/200 aamma UPA2019/201 isumaliutissiisutitut ilanngunneqarput. Ataatsimiititaliap takusinnaagamiuk Naalakkersuisut akissuteqaataat tamatigoortuunngitsut, ataatsimiititaliaq aalajangersimavoq ataatsimiinnerni assigiinngitsuni pissariariniassallugit kiisalu malitseqartitsilluni apeqquteqarnikkut. Naalakkersuisut akissuteqaataat **ilanngussaq 3-tut aamma 4-tut** isumaliutissiisummut matumunnga ilanngunneqarsimapput.

4. Iisimatitseqatigiiffiusumik ataatsimiinnerit

Tusarniaanermi akissuteqaatit tiguneqarsimasut, siunnersuutip siullermeerneqarnera, ilisimatusarnermi ilinniartit namminersortut kiisalu Naalakkersuisut akissuteqaataat

tunngavigalugit ataatsimiititaliamit Ilisimatusarfik ilisimatitseqatigiiffiusumik ataatsimiinnermut aggersarneqarpoq. Takuuk **ilanngussaq 5**. Paasissutissat tunngavilersuutillu ataatsimiinnermi saqqummiunneqartut ataatsimiititaliap siunnersuummik suliaqarnerani ilaatinneqarput.

5. Siunnersiunerit

Siunnersuummut atatillugu ataatsimiititaliap Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq siunnersiunerit aggersarpaa. Naalakkersuisup oqaaseqaataasa assilineqarnerat **ilanngussaq 6 aamma 7-itut** isumaliutissiissummi matumunnga ilanngunneqarput.

Paasissutissat tunngavilersuutillu siunnersiunerit ilanngunneqartut ataatsimiititaliap siunnersuummi suliaqarnerani ilanngunneqarput.

6. Ataatsimiititaliap siunnersuummik suliarinninnera

Inatsisissatut siunnersuummut oqaaseqaatini nalinginnaasuni ilanngunneqarsimasutut annertuumik suliaqarsimaneq ataatsimiititaliamit aallaqqaasiullugu nersualaarneqassaaq. Oqaaseqaatit taakku siunnersuutip matuma, pineqartumi inatsisit atuuttut inatsisissamillu piareersaalluni suliaqarsimanermik ersarissumik imaqarput.

Siunnersuutip siullermeerneqarnerani ilaatigut saqqummiunneqarput ilisimatusarfimmi sulisut akissarsiaannut kissaateqarnerit. Tamatumunnga atatillugu ataatsimiititaliamit erseqqissaatigineqassaaq – ilinniagartuujuppata teknikkeqarnermik allaffissornermilluunniit suliaqartuuppata – akissarsiassaat isumaqatigiinniarnertit tunngavigalugit kiisalu illuatungeriit isumaqatigiissuteqarneratigut aalajangersarneqartarmata. Kalaallit Nunaanni ileqqoraarput isumaqatigiinniarnertit tamakkununnga naalakkersuinikkut akuliutinnginnissaq – tamanna ataatsimiititaliamit attanniarneqarpoq.

Siunnersuutip aappassaaneerneqarnissaanut isumaliutissiissusiornermini ataatsimiititaliap qinersimavaa siunnersuut immikkoortukkaarlugu suliarissallugu. Tamanna ataani takuneqarsinnaavoq:

6.1 Ilisimatusarnissamut- aamma suleriaaseqarnissamut kiffaangissuseqarneq

Siunnersuutip § 2, imm. 2-ani takuneqarsinnaavoq Ilisimatusarfik ilisimatusarnissamut kiffaangissuseqartoq aamma Ilisimatusarfik ilinniarfissuup ilisimatusartullu ataasiakkaat ilisimatusarnissaannut illersuisussaatitaasoq. Taamaalillugu siunnersuutigineqarpoq “suleriaaseqarnissamut kiffaangissuseqarneq” ilisimatusarfik pillugu inatsimmi immikkut allassimassanngitsoq. Tamanna tunngavigalugu ataatsimiititaliaq Naalakkersuisunut ima apeqquteqarpoq:

”1. Ilisimatusarfik pillugu Inatsisartut inatsisaat nr. 19, 19. november 2007-imeersumik § 1, imm 2-mi allassimavoq, suleriaaseqarnissamik kiffaangissuseqartoq. Sooq inatsisissatut siunnersuutini suleriaaseqarnissamik kiffaangissuseqarneq ilaajunnaarsimava?”

Tamatumunnga Naalakkersuisut imatut akissuteqarput:

“Aallarniutigalugu erseqqissarneqassaaq ilisimatusarnissamut kiffaangissuseqartoqarneq inatsisissatut siunnersuummi erseqqissumik takuneqarsinnaammat. Tamatuma saniatigut aalajangersakkamut nassuiaammi atuarneqarsinnaavoq suna pillugu suleriaaseqarnissamut kiffaangissuseqarneq siunnersuummi ersikkunnaarsimanersoq. Tassani atuarneqarsinnaavoq: "Ilisimatusarfiup universititi sunik ilisimatusarfeqassanersoq nammineeeluni aalajangiiffigisinnaanngilaa. Aamma aalajangersakkani takuneqarsinnaanngilaaq Ilisimatusarfik suleriaaseqarnissamut kiffaangissuseqarneris, tassami tamanna immikkoorluinnarluni ilisimatusarnissamut kiffaangissuseqarnermut ilaammat, tamannalu pissutigalugu taassallugu pisariaqanngitsutut nalilerneqarsimammat. Ilisimatusarfiup ilisimatusarnerit tamatigut allanut attuumassuteqannginnissaat, nammineeertuunissaat sammisaqarfimissaallu qulakkeertussaavaa. Ilisimatusarnissamut kiffaangissuseqarnerup aamma tunngaviummik ilisimatusartarnissap isumaginnissaa kinguneraa, taamaaliornikkut Ilisimatusarfiup suliassaasa iluani ilinniagassat allanngutsaaliornissaat ineriartortinnissaallu isumagalugit.”

Nassuiaatini erseqqissarneqartut tunngavigalugit taamaalilluni nalilerneqarpoq suleriaaseqarnissamut kiffaangissuseqarneq siunnersuummi immikkut taassallugu pisariaqartinneqanngitsoq.”

Qulaani akissut tunngavigalugu ataatsimiititaliap pisariaqartippaa malitseqartitsissutaasumik ima apeqquteqassalluni:

“1. Akissut nr. 1-imi atuarneqarsinnaavoq “Ilisimatusarfik suleriaaseqarnissamut kiffaangissuseqarnerseq” “ilisimatusarnissamut kiffaangissuseqarnermut ilaammat”. Naalackersuisut qinnuigineqarput “suleriaaseqarnissamut kiffaangissuseqarseq” aamma “suleriaaseqarnissamut kiffaangissuseqarseq” nassuiaqqullugit.

a. Siunnersuummi “suleriaaseqarnissamut kiffaangissuseqarnerup” peerneqarnerani aalajangersakkap oqaaseqatigiiviniq oqilisaaneq kisimi siunertaava?”

Tamatumunnga Naalackersuisut malitseqartitsissutaasumik imatut akissuteqarput:

”Taaguutip nalinginnaasumik atorneqartartup pineqarnera pissutigalugu ilisimatusarnissamut kiffaangissuseq siunnersuummi nassuiarneqanngitsoq Naalackersuisut aallaqqaasiullugu ilisimatitsissutigissavaat. Inatsisip oqaasertaani suleriaaseqarnissamut kiffaangissuseqarseq ilaangimmat taaguut nassuiarneqanngilaq. Aamma suleriaaseqarnissamut kiffaangissuseqarseq taaguutaavoq nalinginnaasumik atorneqartoq. Taamaattumik Naalackersuisut pissarsiffinni attuumassutilinni taaguutit atorneqartut nassuiarneqarneri aamma innersuussutigissavaat. Ilisimatusarnissamut kiffaangissuseqarnerup nassuiaataa forskerportalen.dk-miittoq assersuutigineqarsinnaavoq: ”Ilisimatusarnermi sammisamik toqqaasinnaanissamut, apeqquteqarnissamut, akissuteqarfiginissaanut, suleriaasissanut kiisalu isummat naammattumik uppersaatsaatsaqqanngikkallartut, angusat isumaliuutersuutillu saqqummiunnissaannut kiffaangissuseqarseq ilisimatusarnissamut kiffaangissuseqarnermi pingaarnertut pineqarput.”

Aamma siunnersuummi § 21, imm. 3, imm. 1-imut aamma 2-mut innersuussisoqarpoq, tassani allassimavoq: ”Instituttimi aqutsisoqarfiup suleqataasut ilisimatusarnermi periutsinik kiffaangissuseqarnerat mianeralugu suliassanik aalajangersimasunik isumaginnittussanngorlugit peqqusinnaavai. Ilisimatuutut sulisut ilisimatusarnissamut kiffaangissuseqarput, piffissamilu suliassanik pisussaaffiligaanngisaminni Ilisimatusarfiup ilisimatusarnissamut periusissiaanut sinaakkusiussap iluani kiffaangissuseqarlutik ilisimatusarlutik.” Aalajangersakkamut matumunnga nassuiaatini ilaatigut tullinnguuttut allassimapput: ”Ilisimatuut ataasiakkaat nammineq atorfeqartitaaffimmik iluanni ilisimatusarnissamut kiffaangissuseqarput, atorfeqartitaanerup kinguneranik pisussaaffiit

atuutsinneqarlutik. Taamaasilluni ilisimatuut ataasiakkaat ilisimatusarnermut periutsimik, ilisimatusariaatsimik kiisalu qulequttanik universitetip ilisimatusarnermut sinaakkusiussaasa iluanniittumik kiffaangissuseqarlutik toqqaasinnaapput."

Ilisimatusarnissamut kiffaangissuseqarnermi suleriaaseqarnissamut kiffaangissuseqarneq ilaavoq.

Suleriaaseqarnissamut kiffaangissuseqarnerup nassuiaataa ordnet.dk-miittoq assersuutigineqarsinnaavoq: "Aalajangersimasumik anguniagaqarneq angusaqarniarnerluunniit siunertaralugit pisumi tamatumani suleriaatsip pitsaanerpaap atornissaanut kiffaangissuseqarneq."

Suleriaaseqarnissamut kiffaangissuseqarneq siunnersuummut nassuiaatini 26. februar 2019-imilu akissummi taaneqareersutut ilisimatusarnissamut kiffaangissuseqarnermut ilaavoq. Tamanna tunuliaqutaralugu suleriaaseqarnissamut kiffaangissuseqarnerup immikkut taaneqarnissaa pisariaqarsorineqanngilaq."

Naalakkersuisut akissuteqaataat ataatsimiititaliamit tusaatissatut tiguneqarpoq. Naalakkersuisut akissuteqaataat ima paasineqarpoq, Ilisimatusarfik taamaalilluni kiffaangissuseqarlunilu ilisimatusartitsinissamut pisussaatitaasoq tamatumunnga ilanngullugu, suliani tamani suleriaaseqarnissamut kiffaangissuseqartitsissalluni, taakkua ilisimatusarnerugaluarpata ilinniartitsinerugaluarpataluunniit.

6.2 Ilisimatusarfiup siulersuisui – sumi najugaqarnissamut piumasqaat

Siunnersuutip § 8, imm. 1-ani, sumi najugaqarnissamut piumasqaat imaattoq siunnersuutigineqarpoq:

§ 8. Siulersuisut 11-nik ilaasortaqarput, imatut inuttalersugaallutik:

*1) Avataanit ilaasortat 6, **taakkunanga minnerpaamik 3 aalajangersimasumik Kalaallit Nunaanni najugaqartuussapput.***

2) Ilaasortat marluk, Ilisimatusarfiup ilisimatuuinut aamma ilinniartitsisuiunut sinniisuusut, taakkununnga ilanngullugit ph.d.-mik ilinniartut.

3) Ilaasortaq ataaseq allaffimmi illumilu atorfeqavissut aallartitarissavaat.

4) Ilaasortat marluk ilinniartut aallartitarissavaat.

(Ataatsimiititaliap erseqqissanera)

Tamatuma saniatigut §8 imm. 7-imi siulersuisut siulittaasuannut sumi najugaqarnissamut piumasagaat imaattoq siunnersuutigineqarpoq:

Imm. 7. Siulersuisut siulittaasussaminnik ilaasortat avataaneersut akornannit qinersissapput. Siulittaasoq toqqagaanermi piffissamilu atuuffimmini tamarmi aalajangersimasumik Kalaallit Nunaanni najugaqassaaq.

(Ataatsimiititaliap erseqqissaanera)

Aalajangersakkamik tamatuminna akuersissutiginninnerup kingunerissavaa, assersuutigalugu suliffik pissutaalluni Kalaallit Nunaata avataani najugaqartut piukkunnaateqartut Ilisimatusarfimmi siulersuisunut imaluunniit siulersuisunut siulittaasut qinerneqarsinnaajunnaassammata. Tamanna imaakkaluarpalunniit pineqartoq Kalaallit Nunaannersuusoq imaluunniit Kalaallit Nunaanni pissutsinik ilisimasaqartuulluni. Naalackersuisut ilisimatusarfimmi siulersuisut kalaallit Nunaanni pissutsinik ilisimasaqarluarnissaannik naalackersuisut kissaateqarnerannut ataatsimiititaliaq paasinnippoq. Taamaattorli sumi najugaqarnissamut piumasagaateqartoqassappat siulersuisussanik pissarsiornerup annikillerujussuarnissaa ataatsimiititaliamit ernumassutigineqarpoq. Taamatut sumi najugaqarnissamut piumasagarneq Kalaallit Nunaannik Kalaallillu Nunaanni pissutsinik ilisimasaqarluarnissamut qulakkeerinnittuunngitsoq ataatsimiititaliamit isumaqarfigineqarpoq.

Siunnersuutip matuma pingajussaaneerqarneranut Naalackersuisut allannguutissat siunnersuummik saqqummiussaqaasat ataatsimiititaliamit **isumaqatigiittumit** qinnutigineqassaaq, taamaaliornikkut qulaani taaneqartutut Ilisimatusarfimmi siulersuisunut ilaasortat sumi najugaqarnissamut piunaffigineqarsinnaassanatik.

6.3 Ilisimatusarfiup siulersuisui – innersuussutinik pissarsiniarneq

Siunnersuutip § 8, imm. 3-ani Naalackersuisut ima pisinnaatinneqartut takuneqarsinnaavoq:

Imm. 3. Ilaasortat avataaneersut Naalackersuisut toqqartassavaat. Naalackersuisut Ilisimatusarfimmit ilaasortassanik pituttuisuunngitsumik inassuteqaqqusinnaapput.

Ilisimatusarfiup tusaamaneqarneranut aalajangersakkap matuma sunniuteqarsinnaanera ataatsimiititaliamit annertuumik eqqartorneqarpoq. Pineqartoq ataatsimiititaliap apeqqaatanut, ataatsimiititaliap Ilisimatusarfimmik ataatsimeeqateqarnerani, kiisalu siunersuinermi pineqartumi eqqartorneqarpoq.

Aalajangersagaq pillugu Naalackersuisut ima tunngaviliipput:

”Tassani innersuunneqarsinnaapput Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap 21. december 2018 apeqqutigisaamut akissutigineqartut. Tassani imaattut ersipput: ”Naalakkersuisut taamaasillutik nalilerpaat pissusissamisoortoq susassaqartut arlaqartut assigiinngitsut isumasiorneqarnissaat, tamatumani aamma Ilisimatusarfik. Naalakkersuisut taamaattoq nalilerpaat pisariaqanngitsoq siunnersuummi namminermit pisussaaffiliisoqassasoq Ilisimatusarfimmiit inassuteqaatinik pituttuisuunngitsumik piniartoqartarnissaanik, kisiannili ilutigisaanik pissusissamisoortillugu nalunaarneqassasoq erseqqissumik inassuteqaammik pineqartutut piniartoqartarsinnaasoq.”

*Naalakkersuisut taamaasillutik kissaatigaat susassaqartunik naleqquttunik arlaqartunik akulerussisoqartarsinnaasoq, Ilisimatusarfiup siulersuisuinut ilaasortassanik toqqaanissamut atatillugu. **Allannguinnissamut siunnersuutigineqartumut tunuliaqutaasoq tassaannigilaq Ilisimatusarfiup akulerunneqannginnissaa, kisiannili illuatungiusut susassaqartut arlaqartut tusarniarneqartarnissaat pineqarpoq. Inassuteqaataasorlu inatsisit atuuttut naapertorlugit pituttuisuunngimmat, Naalakkersuisut nalilinnigilaat allannguutissatut siunnersuutigineqartoq annertunerusutigut allaanerusunik ileqqunik pilersitsissasoq.***
(Ataatsimiititaliap erseqqissaanera)

Aalajangersakkami periarfissiisutut Ilisimatusarfiup peqataatinneqarnissaa maanna Naalakkersuisuusut pinngitsoorusunngikkaat ataatsimiititaliamit paasineqarpoq. Peqatigisaanillu ataatsimiititaliamit maluginiarneqarpoq Ilisimatusarfiup siulersuisuinik toqqaanermut atatillugu soqutigisaqartut peqataatinneqarnissaat Naalakkersuisunit kissaatigineqartoq. Ilisimatusarfimmit pisussaaffiup pituttuisuunngitsup soqutigisalinnik attuumassuteqartunik inassuteqarnermi tusarniaanerit mattunneqartartussatut ataatsimiititaliamit isumaqarfigineqanngilaq.

Ilisimatusarfik pillugu inatsimmi² atuuttumi § 11, imm. 2 naapertorlugu Naalakkersuisut siulersuisunut ilaasortassanik toqqaaniartillutik Ilisimatusarfimmit inassuteqaatinik pituttuisuunngitsunik pissarsiniarsinnaatitaapput. Aalajangersagaq tamanna

² Ilisimatusarfik pillugu Inatsisartut inatsisaat nr. 19 19. november 2007-meersoq

erseqqilluinnartumik taamanikkut Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliamit, inatsisip atuuttup suliarineqarneranut atatillugu piumasarineqarpoq³.

Ilisimatusarfiup nammineersinnaatitaanera pillugu apeqqusiisoqanngilluinnarnissaa ataatsimiititaliap pingaartilluinnarpaa. Ilinnarfissuup nammineersinnaatitaanera qitiulluinnartuuvoq, tamannalu tunngaviusumik ileqqoq naalackersuinikkut illersorluinnartariaqarparput. Taamaattumillu ataatsimiititaliap suliqulakkeeqqajumavaa nunatsinni nunattalu avataani Ilisimatusarfiup nammineersinnaatitaanerata tusaamaneqarnera. Uani pineqanngilaq, maanakkut siunissamiluunniit Naalackersuisuusut Ilisimatusarfiup naalackersuineranut attuumassuteqannginneranik ataatsimiititaliap ersissuteqarnera, kisiannili tamatuminnga pasillernerinnarluunniit ataatsimiititaliamit kissaatigineqanngilaq.

Siunnersuutip matuma pingajussaaneernejarnissaanut Naalackersuisut allannguutissat siunnersuummik saqqummiussissasut ataatsimiititaliamit **isumaqatigiittumit** qinnuigineqarput taamaaliornikkut Ilisimatusarfiup siulersuisunik toqqaasarnermut atatillugu Naalackersuisut innersuussutinik pituttuinngitsunik pissarsiniartarnerat attatiinnarsinnaaqullugu. Piumasaqaat suliamut attuumassuteqartumut tusarniaanissamut periarfissanik mattussisuussanngilaq.

6.4 Rektorimut/ prorektorimut ph.d.-tut piumasaqaatit

Siunnersuutip § 12, imm. 3-ani ima allassimasoqarpoq:

Imm. 3. Rektori aamma rektorip tullersortaa ph.d.-mik ilinniarsimasuussapput, tak. § 34, aamma Kalaallit Nunaanni pissutsinik ilisimasaqassapput ilinniartitaanermullu pissutsinik paasisimasaqassallutik. Aammattaq rektori ilisimatusarnermik ilinniartitaanermillu sammisaqarfinnik aqutsinermik inerisaanermillu misilittagaqassaaq, universitetillu suliaannik inuiaqatigiinnilu avatangiiserisaminnik suleqateqarnerannik paasisimasaqassalluni.

Sulinermi kiisalu ussasaarinermi naleqassutsimi nunarsuarmioqataanermi pitsaassutsimik qulakkeerininniarnermut Naalackersuisut siunertaannut ataatsimiititaliap isumaqataavoq.

³ Siunnersuutip aappassaaneernejarneranut ataatsimiititaliap isumaliutissiissutaa takuuk (UKA2007/37).

Tassa imaappoq, taamaaliornikkut siunnersuutip §12 imm. 3-anitut rektorip ph.d.-tut ilinniagaqarsimanissaanut Naalakkersuisut siunnersuuteqarnerannut ataatsimiititaliaq **isumaqatigiittoq** tapersiivoq.

Prorektorimut ph.d.-tut ilinniagaqarsimanissaanik piumasaqaateqarnissamut Naalakkersuisut siunertaannut, **Siumut Demokraatillu** ataatimiititaliami ilaasortaataaasa taperserpaat.

Prorektorimut ph.d.-tut ilinniagaqarsimanissaanik piumasaqaateqarnissamut Naalakkersuisut siunnersuutaannut atatillugu ataatsimiititaliami **Inuit Ataqatigiit** ilaasortaataaasa Ilisimatusarfiup sulisussarsiniartarnermi periarfissaanik killiliivallaartutut isumaqarfigaat. Taamattumillu Inuit Ataqatigiit Naalakkersuisut qinnuigissavaat siunnersuutip matuma pingajussaaneerreqarneranut allannguutissatut siunnersuuteqaqqullugit, taamaalilluni Ilisimatusarfimmi pisortat allat ilinniarsimasuunissaannut piumasaqaatinut prorektorip ilinniarsimanissaa naapertuutilerluni (takuuk immikkortoq 6.5).

6.5 Ilisimatusarfimmi pisortat ph.d.-tut ilinniarsimanissaannik piumasaqaat

Institutlederitut tunngatillugu siunnersuutip § 20, imm. 3-ani allassimasoqarpoq:

Imm. 3. Instituttimi aqutsisoq instituttimi ilinniagaqarfii iluanni ataatsimi ph.d.-mik ilinniagaqarsimassaaq, tak. § 34, ilinniagaqarfimmilu iluani ilinniartitsinermik misilittagaqartuussalluni.

Immikkoortortaqaqarfinni pisortanut tunngatillugu siunnersuutip § 23, imm. 2-ani allassimasoqarpoq:

Imm. 2. Immikkoortortami aqutsisoq suliassaqaqarfimmi immikkoortortap suliassaqaqarfigisaani ph.d.-mik ilinniagaqarsimasuussaaq, taamaattoq tak. § 34, ilinniagaqarfimmilu iluani ilinniartitsinermik misilittagaqartuussalluni.

§ 34-mi taaneqartutut ima allassimasoqarpoq:

§ 34. § 12, imm. 3-mi, § 20, imm. 3-mi kiisalu § 23, imm. 2-mi ilinniakkatigut piginnaasanut piumasaqaatit, taamaallaat Inatsisartut inatsisaata atuutilereerneratigut atorfinnut taakkununga atorfinitsitsinernut atuutissapput.

Imm. 2. 31. juli 2029 tikillugu rektorimik, rektorip tullersortaanik, instituttini aqutsisunik kiisalu immikkoortortani aqutsisunik nutaanik atorfinitsitsinerni, § 12, imm. 3-mi, § 20, imm. 3-mi kiisalu § 23, imm. 2-imi ilinniagaqarnermut piumasaqaatinut immikkut

akuersissuteqartoqarsinnaavoq, piumasagaatinik eqqortitsillutik piginnaasalinnik qinnuteqartoqarsimangippat, imaluunniit taamaallaat ilinniakkatigut piginnaasanut piumasagaatinik allanik tunngaveqarluni sanilliunneqarsinnaasunik piginnaasaqartunik qinnuteqartoqarsimappat.

(Ataatsimiititaliap erseqqissaanera)

Ph.d.-tut ilinniarsimanissamik taaneqartut sulisussarsiornissamut tunngavissat Naalakkersuisunut apeqquteqarnikkut ataatsimiititaliamit paasinarneqarsimapput. Inatsisissatut siunnersuummut tusarniaaffigineqartut oqaaseqaataanni oqaaseqaatini arlalinni atuarneqarsinnaavoq institutlederitut aamma immikkoortortaqarfinni pisortatut atorfinnik inuttassarsiuisarnermut periarfissat pisariaqanngitsumik annikillisarneqarnerat ernumassutigineqartoq. Naalakkersuisut akissuteqarnerat tunngavigalugu ataatsimiititaliamit paasineqarpoq, sulisussarsiornermut tunngavissat taaneqartut qulakkeerneqarnissaat periarfissaqarsimangitsoq.

Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisup siunnersiulluni ataatsimiinnermi Piumasagaateqarneq ima tunngavilersorpa:

”Ilisimatusarfinni akuerisaasuni tamani Kalaallit Nunaata avataaneersuni minnerpaatut piumasagaataavoq ilinniartitsisunut aamma pisortanut Ph.d.-mik ilinniagaqarsimasuunissaq. Kalaallit Nunaata aamma Ilisimatusarfiup nunat tamalaat akornanni piumasagaatit naammassiniarunikkit, taava ilinniartitsisut aamma pisortat tamarmik taamatut angusaqarsimasariaqarput. Siunnersuummili uani taamaallaat piumasagaataavoq pisortaasut taamatut ilinniarsimasuussasut, ukiunillu qulinik piffissaliisoqarluni piumasagaatip atortuulersinneqarnissaanut. Piffissamut ikaarsarfimmumut atatillugu siunnersuut ukiunik 10-nik sivilisussusilik ilanngunneqarpoq Ilisimatusarfimmit siunnersuut tunngavigalugu.

Piumasagaateqartoqanngippat ph.d.-mik ilinniagaqarnissamik, taamaallaallu qaffasissusissamut aqqutissamik innersuussilluni, Ph.d.-mik anguniagaqarnissamik, kisiannili kandidatit nalingat akueralugu, tamanna inatsisilerinermi isumaqassaaq taamaallaat piumasagaataasoq kandidatiunissaq, taamalu malittarisassat atuuttut atuutiinnassallutik.”

Tamatumunnga atatillugu ataatsimiititaliamit maluginiarneqarpoq, ilisimatusarfinni pisortat ilinniartitsisullu ph.d.-tut ilinniarsimanissamik nunarsuarmioqatigiinnermi piumasagaataanngitsoq. Taamaattorli nunat ataasiakkaat inatsisaanni assigisaannilu aalajangersaasoqarsimavoq tamannali nunarsuarmioqatigiinnermi piumasagaataanani.

Ilisimatusarfimmi pisortatut ilinniarsimanissamut piumasagaatinut tunngatillugu anguniagaq ataatsimiititaliamit tapersersornartinneqarpoq. Peqatigisaanilli naatsorsuutigisariaqassaaq, nunanut allanut sanilliullugu Kalaallit Nunaata atorfinitsitsinnaanermut tunngavissaasa killeqarnerunerat – tamatumani ilinniakkanut annerusunut tunngatillugu imaluunniit ilinniakkani ph.d.-tut ilinniartitsinerit killeqartillugit.

Pisinnaatitsinermut periarfissatut siunnersuutigineqartup pisariaqanngitsumik sullissinermik pisariaqartitsilernissaa ataatsimiititaliamit ernumassutigineqarpoq, naatsorsuutigineqarmammi pisinnaatitsinermut periarfissaq taaneqartoq annertuumik atorneqassasoq. Taamaalluni ataatsimiititaliamit kisaatigineqarpoq institutlederit aamma immikkoortortani pisortat ph.d.-tut ilinniarsimanissaannik piumasagaat attatiinnarneqassasoq, taamaattorli ph.d.-tut ilinniarsimanngitsut atorfinitsinneqarnissaannut periarfissat annertusineqarnissaat tapersersorlugu.

Tamanna tunngavigalugu ataatsimiititaliamit isumaqatigiittumit kisaatigineqarpoq, institutlederinit immikkoortortanilu pisortanut tunngatillugu ph.d.-tut ilinniarsimasunik qinnuteqartoqarsimatinnagu imaluunniit ph.d.-tut ilinniarsimasut atorfirmut qinnuteqarsimatinnagit, taava atorfirmut ph.d.-tut ilinniarsimanngitsunik atorfinitsitsisoqartassasoq, (kisianni minnerpaamik kandidatitut ilinniarsimassapput).

Siunnersuutip matuma pingajussaaneernejarneranut Naalakkersuisut allannguutissatut siunnersuuteqarnissaanik Ataatsimiititaliap isumaqatigiittup qinnuigai, taamaaliornikkut institutlederinit/immikkoortortanut pisortanut ph.d.-tut ilinniarsimanngitsunut ataatsimiititaliap kissaataanut Naalakkersuisut naapertuuttunngortitsisinnaaqullugit.

6.6 Ilinniagartuut siunnersuisoqatigiivi

Siunnersuutip § 15, imm. 4-ani ima allassimasoqarpoq:

Imm. 4. Rektori, prorektori aamma universitetip pisortaa ilinniagartuut siunnersuisoqatigiivisa qinnuteqarnerisigut siunnersuisoqatigiit ataatsimiinneranni tamarmiusumi ataatsimiinnerulluunniit ilaani alaatsinaatsutut peqataasinnaapput. Alaatsinaatsutut inissisimanerup kinguneraa pineqartut taasisinnaatitaannginnerat.

Tamatuma malitsigaa, rektorip aamma prorektorip ilinniagartuut siunnersuisoqatigiivinit ilaasortaasinnaajunnaarnerat. Ilisimatusarfiup tamatumunnga oqaaseqaataa ataatsimiititaliamit maluginiarneqarpoq – ilaatigut Ilisimatusarfiup angissutaata annertussusaanut aamma aaqqissuussaannermi qullariartornernut tunngatillugu. Siunnersuinermi tunngavilersuineq tamanna Naalakkersuisup oqaatigaa, tassa, Ilisimatusarfinni Kalaallit Nunaata avataani

inissisimasuni Ilinniagartuut siunnersuisoqatigiivi ilaatigut suliffiup iluani isumaqatigiinngitsoqartillugu pitsaaliuisinnaanermik sunniuteqanngimmata. Tunngavilersuutigineqartoq ataatsimiititaliamit paasineqarpoq peqatigisaanillu paasineqarluni, Ilisimatusarfimmi taamatut isumaqatigiinngitsoqarsimaneq imaluunniit isumaqatigiinngitsoqarneq Naalakkersuisut uppersarsinnaasimannngikkaat. Inatsit atuuttoq malillugu Ilinniagartuut siunnersuisoqatigiivisa akornanni suleqatigiinnissaq pingaartinneqartoq Ilisimatusarfimmi qullersat inerniliussimagaat ataatsimiititaliamit paasineqarpoq.

Siunnersuutip matuma pingajussaaneerpeqarneranut Naalakkersuisut allannguutissatut siunnersuuteqarnissaanik ataatsimiititaliap **isumaqatigiittup** qinnuigai, taamaaliornikkut qullersanut tunngatillugu ilinniagartuut siunnersuisoqatigiivisa katitigaanerat pillugu malittarisassat atuuttut ingerlateqqinneqarniassammata.

6.7 Taxameteri malillugu tapiisarneq

Siunnersuutip § 27, imm. 2-ani, Taxameteri malillugu tapiisarnerup eqqunneqarnissaanut periarfissat allassimapput:

Imm. 2. Ilisimatusarfimmut aningaasaliissutit ilaat taxamiiterit malillugit tapiissutitut tunniussaasinnaapput imaluunniit tunngavinnik aalajangersimasunik nalilerneqarsinnaasunik, ineriartortitsinissamut isumaqatigiissummi aalajangersagaasunik tunngaveqartitaasinnaallutik, tak. § 7, imm. 1.

Ilisimatusarfup atuunneranut taamatut tapiisarnerup kingunipiloqarsinnaaneranut ernumassuteqarneq tunngavigalugu ataatsimiititaliaq Naalakkersuisunut ima apeqquteqarpoq:

“Ilisimatusarfimmut taxameteri malillugu tapiisarnerup pisinnaanngornissaanik siunnersuutini Naalakkersuisut Kalaallit Nunaanni imaluunniit nunani allanit pitsaasunik misilittakkanik peqarpat?”

Tamatumunnga Naalakkersuisut:

“Kalaallit Nunaanni inuussutissarsiutitigut ilinniartitaanerni tapiissutit ilaat taxameter najoqqutaralugu tapiissutitut tunniunneqartarput. Atuarfiit namminneq kontumik pingaarnermik najoqqutassaqaqarput, taakkunanilu ingerlatsinermut aningaasaliissutit takuneqarsinnaallutik. Tamatuma saniatigut atuarfiit suliniutigineqartut aallaavigalugit tapiissutinik tunineqartarput, taakkualu atuarfiup sammisaanut piumasaqaatit tigussaasut

tunngavigalugit (sammissaq akigititarlu) aningaasaliissutit inatsisitigut pisussaaffiusut aqputigalugit tunniunneqartarlutik, takuuk 40.91.31, Suliniutit aallaavigalugit tapiissutit (Aningaasaliissutit inatsisitigut pisussaaffiusut). Taamaamat taxameter najoqqutaralugu tapiissutinik tunniussisarnermik Naalackersuisut ajunngitsumik misilittagaqarput.”

Siunnersiuinermi oqaluuserineqartut ingerlateqqinneqarnerat tunngavigalugu, Taxameteri malillugu tapiisarnerup aningaasatigut kaammattuutaanissaa Naalackersuisut siunnersuutaannut tunngavioq ataatsimiititaliamit paasineqarpoq. Taamaalillugu Naalackersuisut oqaatigaat Taxameteri malillugu tapiisarneq tassaamat Ilisimatusarfimmuut tapiissutigineqartartut ataatsimoortumik tapiissutit ilannarigaat. Taxameteri malillugu tapiisarnerup killilerneqarnerata annertusineqarnissaata imaluunniit naatsorsuutigineqarnerata siaruarnissaat inatsisissatut siunnersuummi tamatumunngaluunniit oqaaseqaatini allassimangilaq. Taamatuttaarlu ataatsimiititaliamit paasineqarpoq, ilinniagaqarfinnik allanik taxameteri malillugu tapiisarnerup pitsaasumik kinguneqarnerinik Naalackersuisut naliliinerannut isumaqataasunut Naalackersuisut nassuiaateqarsinnaanngitsut. Tamatuma saniatigut taxameteri malillugu tapiisarnerup pitsaasumik ilisimasaqarfigineqarneri Naalackersuisut eqqortumik oqaatigisinnaanngikkaat ataatsimiititaliamit paasineqarpoq.

Aningaasatigut kaammattuuteqarnermut paarlallugu Ilinniartut attatiinnarnissaannut Ilisimatusarfiup ukkassinerulernissaa ataatsimiititaliamit ernumassutigineqarpoq – Ilinniartut pinerunagit aningaasanulli tunnganerusumik. Tamanna pissusissamisuunngitsutut ataatsimiititaliamit isigineqarpoq.

Siunnersuutip matuma pingajussaaneerineqarneranut Naalackersuisut allannguutissatut siunnersuuteqarnissaanik Ataatsimiititaliap isumaqatigiittup qinnuigai, taamaaliornikkut §27 imm. 2 peerneqaqqullugu.

6.8 pitsaassutsimik qulakkeerinnineq ilisimasanillu agguaneq

Aalajangersakkatut nutaatut §2, imm. 4 allassimavoq:

Imm. 4. Ilisimatusarfiup suliassaqarfinni attuumassuteqartuni ilisimasat nutaanerpaat Kalaallit Nunaanni ilinniakkanit tamanit pissarsiarineqarsinnaanerat qulakkeerinneqataaffigissavaa.

Taamatut inatsisitigut qulakkeerneqartumik Kalaallit Nunaanni ilinniagaqarsinnaanermut isersinnaaneq ima isumaqarsinnaavoq, ilinniartitseriaatsinut ataasiakkaanut imaluunniit ilisimatusarnermi pisunut Ilisimatusarfiup ilisimasanik katersineranut suliagarneranut allatigut aamma atorneqarsinnaalluni. Taamaattorli eqqarsaatigineqarsinnaavoq, inuusunnerusunut

Ilisimatusarfimmut qinnuteqarniartunut faginit attuumassuteqartunut pitsaasumik kinguneqarsinnaalluni. Taamaattorli Ilisimatusarfimmit tusarniaanermut akissummit kiisalu tamatumunnga oqaaseqaammut nr. 7.3-imi takuneqarsinnaavoq Ilisimatusarfiup sulinermini Ilisimatusarfiup nittartagaanut ikkussinermigut.

6.9 Aalajangersakkat sinneruttut

Siunnersuutip aalajangersagaanut sinneruttunut tunngatillugu, siunnersuutigineqartut erseqqissaassutitut, allannguutitut ingerlatitseqqinnernullu ataatsimiititaliaq tapersersuivoq. Aalajangersakkanut sinneruttunut tunngatillugu tusarniaaffigineqartunit oqaaseqaatitut kiisalu Naalakkersuisut ataatsimiititaliap apeqqutaanut akissuteqaammi akissuteqaatitut tunngatillugu ataatsimiititaliamit maluginiarneqarsimapput (takuuk ilanngussaq 1-4).

Tamanna pillugu annertunerusumik oqaaseqassalluni ataatsimiititaliap pisariaqartissimangilaa.

Siunnersuutip matuma pingajussaaneerneqarneranut atatillugu allannguutissatut siunnersuuteqarnissamut qinnuteqaatit malitsigisaannik, inatsisissatut siunnersuummut allannguutissatut siunnersuutit kingunerisassaannik pisariaqartumik iluarsiiisoqassasoq ataatsimiititaliamit kaammattuutigineqarpoq.

7. Siunnersuutip aningaasatigut kingunerisassai


Siunnersuutip piviusunngortinneqarnerani aningaasatigut kinguneritinneqartussat siunnersuummut oqaaseqaatini nalinginnaasuni allassimapput. Immikkoortoq 6-imi oqaaseqaatit saniatigut ataatsimiititaliaq allatigut oqaaseqaatissaqanngilaq.

8. Ataatsimiititaliap inassuteqaataa

Ataatsimiititaliap isumaqatigiittup, ataatsimiititaliami amerlanerussuteqartut kiisalu ataatsimiititaliami ikinnerussuteqartut siunnersuutip matuma pingajussaaneerneqarnissaanut Naalakkersuisut allannguutissatut siunnersuutit kissaatigineqartut ilanngussaqarnissaannik naatsorsuutigalugu ataatsimiititaliap **isumaqatigiittup** siunnersuut **akuerisassanngortippaa**.

Allannguutissatut siunnersuutit kissaatigineqartut nalilersorneqaqqinnissaat siunertaralugu siunnersuut pingajussaaneerneqartinnagu ataatsimiititaliamut suliasanngorteqqinneqassasoq ataatsimiititaliamit kissaatigineqarpoq.

Taamatut oqaaseqarluni isumaliutissiissummilu allassimasutut paasinnillutik matumuuna siunnersuut ataatsimiititaliap aappasaaniigassanngortippaa.




Doris J. Jensen

Siulittaasoq




Mimi Karlsen

Siulittaasup tullia




Laura Táunâjik

P.A.



Nivi Olsen



Sofia Geisler



Ilinniartitaanermut, Kultureqarnermut,
Ilageeqarnermut Nunanullu Allanut
Naalakkersuisoq
IKIN@nanoq.gl

Ulloq: 21-12-2018

J.nr.: 01.39.01.03-00199

UKA2018/199, UKA2018/200 aamma UKA2018/201 pillugit allakkatigut apeqqutit

UKA2018/199, UKA2018/200 aamma UKA2018/201 suliarineqarneranut atatillugu ataani apeqqutit Kultureqarnermut, Ilinniartitaanermut Ilisimatusarnermut Ilageeqarnermullu ataatsimiititaliamit akeqqullugit Naalakkersuisut qinnuigineqarput. Siunnersuutitut pingasunut ataatsimut ataatsimiititaliaq isumaliutissiisummik suliaqarsimanngikkaluartoq, inatsisissatut siunnersuutit pingasut imminnut ataqatigiinnerat pissutigalugu, taakkununga inatsisissatut siunnersuutitut pingasunut apeqqutit akissutillu katersorneqarsinnaasut ataatsimiititaliap nalilersimavaa.

Inatsisissatut siunnersuutitut pingasunut apeqqutit tulleritit ataani allaqqapput.

UKA2018/199

Inatsisitigut killiffiit suliallu

1. Ilisimatusarfik pillugu Inatsisartut inatsisaat nr. 19, 19. november 2007-imeersumik § 1, imm. 2-mi allassimavoq, suleriaaseqarnissamik kiffaanngissuseqartoq¹. Sooq inatsisissatut siunnersuutit suleriaaseqarnissamik kiffaanngissuseqarneq ilaajunnaarsimava?

Inatsisissatut siunnersuut § 8, imm. 3 allassimavoq:

*Ilaasortat avataaneersut Naalakkersuisut toqqartassavaat. Naalakkersuisut
Ilisimatusarfimmit ilaasortassanik pituttuisuunngitsumik inassuteqaqqusinnaapput*

Imatut allassimavoq Ilisimatusarfik pillugu Inatsisartut inatsisaani § 11, imm. 2:

*Imm. 2. Naalakkersuisut toqqartassavaat avataanit ilaasortat Ilisimatusarfiup
pituttuisuunngitsumik innersuussuteqarneratigut. Ilaasortat toqqarneqartassapput
inuttut piginnaasaqarnerat tunngavigalugu ukiuni 4-ni ilaasortaasussanngortillugit.
Toqqaanermi pingartinneqassapput suliamut inuttullu pisinnaasat aamma
suliffinnik kiisalu ilisimatusarnikkut ilinniartitaanikkullu avatangiiserisanik
inerisaanermik misilittakkat, ajornanngippat nunarsuarmut tamarmut sammisut.
Toqqagaaqqittoqarsinnaavoq.*

¹ Ilisimatusarfik pillugu Inatsisartut inatsisaat nr. 19, 19. november 2007-imeersoq

2. Naalakkersuisut siulersuisunut ilaasortassanik toqqaasarnerannut atatillugu Ilisimatusarfiup pituttuinngitsumik inassuteqartarnera soq Naalakkersuisunit pisariaqangitsutut nalilerneqarpa?
3. Aalajangersakkap taaneqartup akuersissutigineqarneratigut Ilisimatusarfiup naalakkersuinikkut pituttorsimannginnera toqqaannangitsumik annikillisinneqarsinnaalersoq Naalakkersuisunit isumaqatigineqarpa? tassami siulersuisunut ilaasortanit aqqanilinnit ilaasortat arfinillit peqataasunit naalakkersuinikkut attuumassuteqanngitsunit isumasiueqqaaratik Naalakkersuisut toqqarsinnaaleratigut.
4. Ilisimatusarfiup siulersuisuini sulinerup naalakkersuinikkut pissutsinik toqqammaveqarneranik pasitsaassisoqalersinnaaneratigut Ilisimatusarfiup nunat tamat akornanni isigineqarnerata ajoquserneqarsinnaaneranik isumakuluuteqarnermut Naalakkersuisut isumaqataappat?
5. Qanoq siulersuisunut ilaasortassanik toqqaasarnermi allannguutissatut kissaatigineqartup, ilisimatusarfimmi pituttorsimanngitsumi kiffaanngissuseqartumik ilisimatusarsinnaanermik kissateqarnermut naapertuutsigineranik siuarsaatigineranillu nassuiaateqaqqullugit Naalakkersuisut qinnuigineqarput.
6. Nunani avannarlerni siulersuisunut ilaasortassanik toqqaasarnermut tunngatillugu assingusunik inatsiseqarneranik assersuutissaqarnerasoq Naalakkersuisunit paasissutissiissutigeqquneqarpoq. Taamaattoqarpallu taakku suuppat?

§ 8, imm. 1, nr. 1-imi saqqummerpoq siulersuisunut ilaasortanit avataanersunit arfiniliusunit pingasut Kalaallit Nunaanni najugaqartuusussaasut. Peqatigitillugu §8 imm. 7-imumt nassuiaatini allassimasoqarpoq:

"Siulittaasoq piffissami atuuffimmini Kalaallit Nunaanniit aallassaguni siulittaasuusinnaajunnaassaaq, siulittaasumillu nutaamik toqqaasoqartariaqarluni. Piffissami tassami ilaasortat avataaneersut arlaannaalluunniit Kalaallit Nunaanni najugaqanngippat, siulittaasoq siulersuisuinit tunuassaaq Kalaallit nunaanniit nuunnermini, Naalakkersuisullu ilaasortassamik nutaamik toqqaassaapput, tak. § 9, imm. 4."

7. Qulaani issuaaneq malillugu, ilaasortat toqqarneqarnermi najugaqartussaataitanermut piumasaqaatinik naammassinnittut toqqaareernermi siulersuinit tunuanngikkaluarlutik kalaallit nunaanniit allamut nuussinnaatitaappat?
8. Siulersuisunut ilaasortat – assersuutigalugu ilisimatusarfimmi atorfirmiit tunuarnermi imaluunniit sulinngiffeqarallarnermi, ilinniarnermik unitsitsinermi il.il. qaqugu tunuartussaanaera Inatsisissatut siunnersuummi aalajangersakkani ersitunganngilaq, tamanna pillugu Naalakkersuisut nassuiaateqaqqullugit qinnuigineqarput.
9. § 9, imm. 2 malillugu siulersuisunut ilaasorta q toqqagaaffinni marlunni ilaasortaareersimasoq inississimavik nutaaq pissutigalugu toqqarneqaqqissinnaanngitsoq? (assersuutigalugu

ilinniartuusimasoq ilisimatusarfimmi atorfinittoq imaluunniit siusinnerusukkut ilaasortaasimasoq avataanersoq kingornalu atorfinittoq.)

- a. Sooq tamatuma pitsaasutut nalilerneqarnersoq tunngavilersoqqullugu Naalakkersuisut qinnuigineqarput, ilaatigut ilaasortaasinnaasut naapertuuttunik piginnaasallit ikinnerulernissaannik ilimagisaqarneq eqqarsaatigalugu.

§ 10, imm. 2, oqaaseqatigiit aappaanni ersepoq:

*Imm. 2 [...] Siulersuisut suliassaar, taakkualuunniit ilaat, siulersuisuugallartunit Naalakkersuisunit toqqarneqartunit **piffissap ilaa** isumagineqarsinnaapput.*

(ataatsimiititaliamit erseqqissaaserneqartoq)

10. “**Piffissap ilaanik**” piffissaq qanoq sivisutigisoq pineqarnersoq nalunaarutigeqqullugu Naalakkersuisut qinnuigineqarput.

11. Piffissaq siulersuisuugallartunut ilaasortaaffik piffissanut siulersuisunut ilaasortaasinnaaffinnut tamarmiusunut ilanngunneqarpa, tak. § 9, imm. 2?

§ 7, imm. 1-imi ersepoq, Naalakkersuisut ineriartortitsinermut siulersuisunut isumaqatigiissusiussasut. Tamanna ilaatigut Aningaasaqarnermut Naalakkersuisoqarfimmit oqaaseqarfigineqarpoq.

12. Qaqugu ineriartortitsinermut isumaqatigiissutip aallarnisarneqarnissaa naammassineqarnissaalu Naalakkersuisunit naatsorsuutigineqarpa?

13. Siulersuisunut ineriartortitsinissamik isumaqatigiissummi siullermi pissutsit suut siuarsarneqarnissaat Naalakkersuisunit siunertarineqarpa?

Ilinniagaqarsimanissamik piumasaqaat

Ataatsimiititaliaq isumaqarpoq, pisortap, pisortap tulliata, ilinniakkanut ataasiakkaanut immikkoortortat pisortaasa kiisalu immikkoortortani pisortat ilinniagaqarsimanissaannik piumasaqaatitut siunnersuutigineqartoq naammassiniarlugu sulisussarsiomissamut toqqammavissat pillugit paasissutissanik naammattunik inatsisissatut siunnersuummut nassuiaatini nalinginnaasuni ersittoqanngitsoq.

14. Malittuaniittut pillugit kisitsisitigut paasissutissat ataatsimiititaliamit qinnutigineqarput:

- a. 1979-ip kingorna kalaallit ilinniartut qassit PH.D.-mik ilinniarnermik naammassisaqarsimappat?²
- b. Ilisimatusarfimmi ilinniarnermi bachelloorinngorniarnermiit Ph.D.-nngonissamut ilinniarnermut piffissaq agguaqatigiissillugu atugaq.
- c. Inuit Kalaallit Nunaanni imaluunniit qanittuani najugallit Ph.D.-imik ilinniagaqarsimasut apeqqutip nr. 15-ip ataani ilinniagaqarfiit iluanni
- d. Kalaallit Kandidatinngorsimasut, Ph.D.mik ilinniarnermut ingerlaqqittartut.

² Kalaallit Nunaanni ilinniagaqarnersiutinik assigisaatigulluunniit pisartagaqarneq imaluunniit Kalaallit Nunaanni ilinniarniarni allatsissimaneq kalaallit nunaanni ilinniarninnut attuumassuteqartut pasineqassaaq.

- e. Piffissami 2012-2017-imi Danmarkimi Ph.D.-nngorniarnermik aallartissimasut, naammassisimasullu amerlassusaat
- f. Nunani avannarlerni allani kandidatinnngorniat amerlassusaat, Ph.D.-nngorniarnermut ingerlaqqittut.

15. Ilisimatusarfiimi atorfiit akuerisat pillugit Naalakkersuisut qinnuigineqarput nassuiaqqullugit:

- g. Instituttip pisortai fagit malillugit
- h. Immikkoortuni aqutsisut fagit malillugit

Ilaatigut Ilisimatusarfiup saqqummiuppai tusarniaanerup aappaata akissutaani 3.4-mi:

"Ilisimatusarfiup annertuumik isumaqatigaa aqutsinermik misilittagaqarneq rektoritut, rektorip tullersortaatus aamma institutini immikkoortortaqaqarfinnilu aqutsisutut atorfinni pingaartuusut. Kisianni tamanna qularnaarneqanngilaq ph.d-tut ilinniagaqartuunissaannik piumasaqaateqarnikkut. Ph.d-tut ilinniagaq imminnermini aqutsisutut piginnaaneqalersitsisannigilaq [...].

Ph.d.-mik piumasaqaat suliniutisialaavoq, tassuunakkummi qularnaarneqarpoq pisortap ilisimatusarnermik ilisimasaqarnissaa. Taamaattoq tamanna tunngavigisariaqanngilaq, lektoritut naliliinerup atunngitsoornissaanut, tassami tamatuma aammattaaq takutippaa ilisimatusarnermik ilisimasaqarneq.

Kisiani gradit arlaannaataaluunniit takutinngilaa ilumut pisortatut piginnaasaqartoqarnerseq, taamaammallu aamma tamanna aqutsisutut atorfinni atorfinnissamat piumasaqaatitut ilannguttariaqaraluarpoq."

Nalinginnaasuni oqaaseqaatini ersarissumik nassuiarneqarpasinnigilaq manna, Naalakkersuisumit itisileqquneqarpoq:

- 16. Immikkoortuni aqutsisunut sooq aqutsisinnaanermik piginnaasat piumasaqaataannigilat?
- 17. Sooq lektorip naliliinera atorsinnaanngila, ilisimatusarnermi milittakkat qulakkeerniarlugit, soorlu Ilisimatusarfiup taamatut tikkuaraa?
- 18. Ukiunut 10-inut §34 imm. 2-imi immikkut malittarisassatut aalajangerneqarnera sumik toqqammaveqarpa?

Ilinniagartuut siunnersuisoqatigiiffiat

Ilinniagartuut siunnersuisoqatigiiffiata suliaanut atatillugu §14 imm.1 nr. 3-imi Ilisimatusarfik pillugu inatsimmi aalajangersagaavoq:

3) Ilinniagassanik aaqqissuussinernut missingersuutit aamma ilinniakkani misileraalluni aaqqissuussinerit pillugit rektorimut oqaaseqartarlutik.

Siunnersuummi § 15, imm. 2 nr. 4-imi erserpoq malitsigisaa Ilinniagartuut siunnersuisoqatigiiffiata suliaasarigaa:

4) *ilinniakkanut aaqqissuussinernut misiligummillu aaqqissuussinernut siunnersuutit pillugit instituttini siunnersuisoqatigiit inassuteqareernerisigut rektorimut inassuteqaateqartarlutik,*

(Ataatsimiititaliap ersarissaanera)

Aalajangersakkap aalajangersakkami oqaaseqaatini erserpoq:

"Ilinniakkat pillugit ilinniakkat aaqqissuussaananeranut misiligummillu aaqqissuussaananeranut siunnersuutinik ilinniagartuut siunnersuisoqatigiivi institutini siunnersuisoqatigiinnit inassuteqarfingeqareernerimik kingorna rektorimut akuerisassanngortitsillutik inassuteqartassapput. Taamatut iliornikkut ilinniakkat aaqqissugaanerisa ataqatigiissaagaasimanissaat, kinguneqarnerusumillu sunniuteqaqatigiittarnissaq qulakkeerneqassapput, rektorimit inaarutaasumik akuerineqartinnagit.

Ilinniakkat aaqqissuussaananerat tamatuma kingorna Naalackersuisunit akuerineqartassapput qaffasinnerusunik ilinniarnert pillugit Inatsisartut inatsisaat naapertorlugu, taamaattumik rektorip ilinniakkat aaqqissuussaananerimik akuerinninnera ilinniarfiup iluani akuersineruvoq"

(Ataatsimiititaliap ersarissaanera)

Taamaasilluni siunnersuutigineqarpoq akuersissutiginninnermi marlunnik ilaneqarpoq ilinniagaqarnermut aaqqissuussinermi inatsimmi atuuttumi ersippoq.

19. Tusarniaanermi akissutit arlallit tunngavigalugit, ataatsimiititaliap Naalackersuisut qinnuigissavai, tunngaviummik kingunerluutaasinnaasut isigeqqullugit, oqariartuutit nalinga, naalackersuinikkut tunngaviatigut ilinniagaqarneq akuersissutigineqartassappat.

20. § 18, imm. 2 kingunerissavaa, Ilinniagartuut siunnersuisoqatigiiffianni siusinnerusukkat toqqagaaffinni marlunni siusinnerusukkat ilaasortaasimasoq inissisimaneq nutaaq pissutigalugu toqqagaaqqissinnaanngitsoq? (assersuutigalugu siusinnerusukkat ilinniartoq, kingusinnerusukkat llisimatusarfimmi atorfinittoq.)

a. Naalackersuisut qinnuigineqarput tunngavilersoqqullugu, sooq killilimmik toqqagaaqqinneq tulluartut nalilerneqartoq, ilaatigut ilaasortat qinerneqarsinnaasut piginnaasallit killilerneqarnerat eqqarsaatigalugu.

Institutip siunnersuisoqatigiivi

§ 26, imm. 2 malillugu *Institutip siunnersuisoqatigiivini* siusinnerusukkat ilaasortaasimasoq qinigaqqissinnaanngilaq qanorluunniit sivistigisumik atorfeqarsimagaluaruni?

Taamaattoqassappat:

- a. Taava instituttimi minnerpaami sulisut qanoq sivistigisumik atorfeqassappat Institutip siunnersuisoqatigiivinut ilaasortaanissamat qinigaqqissinnaajunnaarnissaanut takuuk § 25, imm. 1 nr. 3 aamma 4?
- b. Sooq Naalackersuisut pisariaqarsoraat killilersuineq piffissami killiligaanngitsumi?

Aningaasaqarneq aamma allaffissorneq

Siunnersuutip § 29-ani ersepoq, Atorfinitsitsinerni atugassarititaasut pissutsillu sinneri, atorfeqarnerup nalaani pissutsit soraarsitsinerillu eqqarsaatigalugit, aalajangersakkanik Kalaallit Nunaanni Namminersorlutik Oqartussani atorfilinnut atuuttunik malinninnissamut Iisimatusarfik pisussaaffeqarpoq.

21. Naalackersuisut nassuiaaqquneqarput, aalajangersagaq taanna Iisimatusarfiup sulisuinut qanoq sunniuteqassasoq maannakkut malittarisassanut atuuttunut periusaanullu sanilliullugu – Oqartussat ataanni Iisimatusarfiup imminut pigisutut suliffeqarfiunera eqqarsaatigalugu.
22. Iisimatusarfimmut taxameteri malillugu tapiisarnerup pisinnaanngornissaanik siunnersuutini Naalackersuisut Kalaallit Nunaanni imaluunniit nunani allanit pitsaasunik misilittakkanik peqarpat?

UKA2018/200

§ 17, imm. 1 ersepoq:

*§ 17. Inatsisartut inatsisaata matuma sinaakkusiussaasa iluanni, ilinniarfiit ilinniakkat pillugit malittarisassat erseqqinnerusut aalajangersassavaat, ilinniakkani tamani ilinniakkap aqqissugaanerata allaaserineratigut, ph-d-tut ilinniagaq kisiat pinnagu. Ilinniakkat aqqissugaaneri aamma kingusinnerusukkut taakkunani allannguutit annertunerusut **Naalackersuisunit akuersissutigineqassapput.***

(Ataatsimiititaliap ersarissaanera)

Ilinniakkap aqqissugaanera pillugu inaarutaasumik aalajangerneq paasineqassaaq ilinniakkat pillugit malittarisassat akuerineqarneratut.

23. Iisimatusarfik pillugu aqqissuussineq isornartorsiorneqartoq ataatsimiititaliap ersarissumik paasivaa. Naalackersuisut qinnuigineqarput naasumik ersarissumillu nassuiaaqquneqarput, sooq Naalackersuisut pisariaqarsorineraat, ilinniakkat aqqissugaaneri naalackersuinikkut akuersissutigineqartassanersut? (inatsisissatut siunnersuummut nalinginnaasumik oqaaseqaatinut ilassutitut nassuiaat saqqummiuteqquneqarpoq. Akissut ilanngunneqarsinnaavoq apeqqut 19-imut akissummi.)
24. Naalackersuisut qinnuigineqarput ilisimatitsissutigeqqullugu, suut nunat allat ilinniakkat aqqissuussaananeranut assigisaanik inatsiseqarlutik naalackersuinikkut akuersisartut?

UKA2018/199, 200 og 201


Ilinniartoqarfiit annerusumik naalackersuinikkut kiffaanngissuseqarnerunissaasa qulakkeernissaat annerusumik oqallisigineqalersimavoq Nunat avannarliit sinneranni EU-milu.

25. Ilinniartoqarfiit naalackersuinikkut kiffaanngissuseqarnissaat Naalackersuisut isumaqatiginerlugu – taamaassappallu, qanoq ilillutik inatsisissatut siunnersuutit pingasut taassuma tungaanut qanoq sammippat?

Ataatsimiititaliap Naalackersuisut kalaallisut danskisullu akissutissat tiginissaat qilanaaraat. Akissutit qarasaasiakkut nassiuteqquneqarput uunga ina@ina.gl assilineralu ataatsimiititaliap allattaanut nassiullugu uunga rfr@ina.gl.

Kulturimut, Ilinniartitaanermit, Ilisimatusarnermit Ilageeqarnermullu Ataatsimiititaliaq sinnerlugu

Inussiarnersumik inuulluaqqusillunga



Doris J. Jensen

Ataatsimiititaliamut siulittaasoq



Kultureqarnermut, Ilinniartitaanermut, Ilisimatusarnermut Ilageeqarnermullu
 Ataatsimiititaliamut.

**UKA2018/199-imut, UKA2018/200-mut aamma UKA 2018/201-imut
 tunngatillugu allakkatigut apeqqutigineqartut akineqarnerat**

26-02-2019
 Suliap normua 2017 - 5069
 Allakkat nr. 9796821

Naalakkersuisut ataatsimiititaliap apeqqutigisaanut 21. december 2018-
 imeersunut qujapput, taakkulu matumuuna akineqassapput.

Postboks 1029
 3900 Nuuk
 Oqarsasuaat: +299 34 50 00
 Email: ikiin@nanoq.gl
 www.nanoq.gl

*1. Ilisimatusarfik pillugu Inatsisartut inatsisaanni § 1, imm. 2-mi allassimavoq,
 suleriaaseqarnissamik kiffaanngissuseqartoq Sooq inatsisissatut siunnersuutini
 suleriaaseqarnissamik kiffaanngissuseqarneq ilaajunnaarsimava?*

Akissutit:

Aallarniutigalugu erseqqissarneqassaaq ilisimatusarnissamut
 kiffaanngissuseqartoqarneq inatsisissatut siunnersuummi erseqqissumik
 takuneqarsinnaammat. Tamatuma saniatigut aalajangersakkamut nassuiaammi
 atuarneqarsinnaavoq suna pillugu suleriaaseqarnissamut kiffaanngissuseqarneq
 siunnersuummi ersikkunnaarsimanersoq. Tassani atuarneqarsinnaavoq:
 "Ilisimatusarfiup universititi sunik ilisimatusarfeqassanersoq nammineerluni
 aalajangiiffigisinnaanngilaa. Aamma aalajangersakkani takuneqarsinnaanngilaq
 Ilisimatusarfik suleriaaseqarnissamut kiffaanngissuseqarnerneq, tassami tamanna
 immikkoorluinnarluni ilisimatusarnissamut kiffaanngissuseqarnermut ilaammat,
 tamannalu pissutigalugu taassallugu pisariaqanngitsutut nalilerneqarsimammat.
 Ilisimatusarfiup ilisimatusarnerit tamatigut allanut attuumassuteqannginnissaat,
 nammineertuunissaat sammisaqarfiunissaallu qulakkeertussaavaa.
 Ilisimatusarnissamut kiffaanngissuseqarnerup aamma tunngaviummik
 ilisimatusartarnissap isumaginnissaa kinguneraa, taamaaliornikkut
 Ilisimatusarfiup suliassaasa iluani ilinniagassat allanngutsaaliornissaat
 ineriartortinnissaallu isumagalugit."

Nassuiaatini erseqqissarneqartut tunngavigalugit taamaalilluni nalilerneqarpoq
 suleriaaseqarnissamut kiffaanngissuseqarneq siunnersuummi immikkut
 taassallugu pisariaqartinneqanngitsoq.

2. Naalakkersuisut siulersuisunut ilaasortassanik toqqaasarnerannut atatillugu Ilisimatusarfiup pituttuinngitsumik inassuteqartarnera sooq Naalakkersuisunit pisariaqanngitsutut nalilerneqarpa?

Akissutit:

§ 8, imm. 3-mut innersuussisoqarsinnaavoq, tassanilu uku atuarneqarsinnaapput: "Naalakkersuisut Ilisimatusarfimmik, Kalaallit Nunaanni inuussutissarsiortut kattuffiinik, Danmarkimi rektorinik illuatungaasunillu allanik attuumassuteqartunik isumasioreernermik kingorna toqqaassasut eqqarsaataavoq, taamaasilluni ilaatigut suliffeqarfik aqutsineq eqqarsaatigalugu Kalaallit Nunaanni inuussutissarsiortut akornanni immikkut ittumik ilisimasallit iluaqutigineqarsinnaammata, misilittakkallu danskit universitetiini siulersuisutut sulinermeersut ikorfartuutigineqarsinnaallutik. Tamatuma saniatigut Naalakkersuisut Ilisimatusarfik pituttuisuunngitsumik inassuteqaqqullugu qinnuigisinnaavaat aalajangersagaavoq. Taamatut iliornikkut Naalakkersuisut isumaqarunik Ilisimatusarfiup akuutinneqarnissaa siunertamut naapertuuttoq, Ilisimatusarfimmik akuutitsisinnaapput."

Naalakkersuisut taamaalillutik nalilerpaat susassaqtut assigiinngitsut saaffigissallugit pisariaqarsinnaassasoq, soorlu Ilisimatusarfik. Naalakkersuisulli isumaqarput inassuteqaammik pituttuiffiusumik taamaattumik Ilisimatusarfimmiit piniassalluni siunnersuummi tamatuma pisussaaffiunissaa pisariaqassanngitsoq, isumaqartoqarlunili inassuteqaammik taamaattumik piniartoqarsinnaanera peqatigitillugu immikkut erseqqissaatigineqarsinnaasoq.

3. Aalajangersakkap taaneqartup akuersissutigineqarneratigut Ilisimatusarfiup naalakkersuinikkut pituttorsimannginnera toqqaannanngitsumik annikillisinneqarsinnaalersoq Naalakkersuisunit isumaqatigineqarpa? tassami siulersuisunut ilaasortanit aqqanilinnit ilaasortat arfinillit peqataasunit naalakkersuinikkut attuumassuteqanngitsunit isumasiueqqaaratik Naalakkersuisut toqqarsinnaalermatigit.

Akissutit:

Naalakkersuisut isumaqarput kiffaanngissuseqarnermut tamanna sunniteqarnavianngitsoq. Tassungalu ilanngullugu taaneqassaaq inatsisit atuuttut malillugit inassuteqaat qilersorsimanngitsoq matumani kisimi pineqarmat.

Soorlu apeqqut 2-mut akissummi erseqqissarneqartoq suli piumasaqaataavoq Ilisimatusarfiup peqataasullu allat paasiniaaffigineqartassasut siulersuisuni ilaasortassanik toqqaasoqarnissaa pitinnagu.

4. *Ilisimatusarfiup siulersuisuini sulinerup naalackersuinikkut pissutsinik toqqammaveqarneranik pasitsaassisoqalersinnaaneratigut Ilisimatusarfiup nunat tamat akornanni isigineqarnerata ajoquserneqarsinnaaneranik isumakuluuteqarnermut Naalackersuisut isumaqataappat?*

Akissutit:

Ilisimatusarfiup siulersuisuini sulinerup naalackersuinikkut tunngaveqarluni annertuumik akuleruttoqartarneranut pasitsaassisoqarsinnaanera Naalackersuisut upperissallugu tunngavissaqanngillat.

5. *Qanoq siulersuisunut ilaasortassanik toqqaasarnermi allannguutissatut kissaatigineqartup, ilisimatusarfimmi pituttorsimanngitsumi kiffaanngissuseqartumik ilisimatusarsinnaanermik kissaateqarnermut naapertuutsigineranik siuarsaatigineranillu nassuiaateqaqqullugit Naalackersuisut qinnuigineqarput.*

Akissutit:

Naalackersuisut isumaqarput matumani peruserineqartoq ulloq manna tikillugu ajunngitsumik ingerlanneqartoq ingerlateqqinneqartoq. Ilisimatusarnissamut kiffaanngissuseqarneq siunnersuummi atuarneqarsinnaavoq, soorluttaarlu tamanna inatsisini atuuttuni atuarneqarsinnaasoq. Naalackersuisut tamanna pissutigalugu isumaqarput naalackersuinikkut kiffaanngissuseqarneq sutigulluunniit killilersorniarneqarsimanngitsoq.

6. *Nunani avannarlerni siulersuisunut ilaasortassanik toqqaasarnermut tunngatillugu assingusunik inatsiseqarneranik assersuutissaqarnerisooq Naalackersuisunit paasisutissiisutigeqquneqarpoq. Taamaattoqarpallu taakku suuppat?*

Akissutit:

Savalimmiuni siulersuisuini ilaasortat avataaneersut sisamaasut ministerimit toqqagaapput.

Islandimi siulersuisut qanoq amerlatigisunik ilaasortaqaarnissaat universitetip angissusaa aalajangiisuusarpoq. Univertitetimi ilinniartut 5000-inik ikinneruppata siulersuisut rektori ilanngullugu arfineq-marlunnik ilaasortaqaassapput, universitetilu 5000-it qaangerlugit ilinniartoqarpat siulersuisut rektori ilanngullugu aqqanilinnik ilaasortaqaassallutik. Ilaasortat marluk sisamallu Ilinniartitaanermut, Ilisimatusarnermut Kultureqarnermullu Ministereqarfimmit toqqagaassapput, takuuk artikel 6 i Act no 85/2008 on Public Higher Education Institutions.

7. *Qulaani issuaaneq malillugu, ilaasortat toqqarneqarnermi najugaqartussaaitaanermut piumasagaatinik naammassinnittut toqqaareernermi siulersuinit tunuanngikkaluarlutik kalaallit nunaanniit allamut nuussinnaatitaappat?*

Akissutit:

Siulersuisuni ilaasortat nunanit allaneersut toqqarneqarnermik kingorna siulersuisuni ilaasortaajunnaanngikkaluarlutik Kalaallit Nunaanniit nunamut allamut nuussinnaanerat uppersarseqarsinnaavoq.

Siulersuisuni siulittaasoq taamaalilluni kisimiilluni siulersuisuniinneq tamakkerlugu Kalaallit Nunaanni najugaqarnissamik pisussaaffeqarpoq.

8. *Siulersuisunut ilaasortat – assersuutigalugu ilisimatusarfimmi atorfimmiit tunuarnermi imaluunniit sulinnigiffeqarallarnermi, ilinniarnermik unitsitsinermi il.il. qaqugu tunuartussaanaera Inatsisissatut siunnersuummi aalajangersakkani ersitunganngilaq, tamanna pillugu Naalackersuisut nassuiaateqaqqullugit qinnuigineqarput.*

Akissutit:

Qanoq ilineratigut Naalackersuisut siulersuisuni ilaasortamik tunuartitsisinaanerat siunnersuummi § 10, imm. 3-mi aalajangersagaavoq. Aalajangersakkami siulersuisuni ilaasortat tamarmik pineqarput. Siulersuisuni ilaasorta qeqataalersimasoq siulersuisuni akisussaaffimminik annertuumik sumiginnaasimasoq allatulluunniit siulersuisutut suliamik ingerlataqarnissamut naleqqukkunnaarsimasoq Naalackersuisunit tunuartinneqarsinnaavoq. Aalajangersakkap matuma saniatigut aalajangersakkanik siulersuisuni ilaasortap siulersuisunit tunuarnissaanik takunniffusinnaasumik soqanngilaq. Tamanna pissutigalugu ilaasortaasut ataasiakkaat namminneerlutik aalajangissavaat siulersuisuni sulineramik nangitserusssanerlutik.

Ilaasortaannarnik oqarnermi ilaasortat suliffeqarfimmiittut siunnersuummi § 8, imm. 1, nr. 2-4-mi allanneqartut pineqarsimassasut ilimagineqarpoq. Ilaasortat taakku atorfeqarnertik imaluunniit ilinniartuunertik aqqutigalugu toqqagaasarput, taamaammallu uani pineqarluni atorfitsik qimassagaluarpasuk atuarunnaarlutilluunniit siulersuisuni ilaasortaajunnaartussaammata.

9. § 9, imm. 2 *malillugu siulersuisunut ilaasorta qoqqagaaffinni marlunni ilaasortaareersimasoq inississimavik nutaaq pissutigalugu toqqarneqaqqissinnaanngitsoq? (assersuutigalugu ilinniartuusimasoq ilisimatusarfimmi atorfinittoq imaluunniit siusinnerusukkat ilaasortaasimasoq avataanersoq kingornalu atorfinittoq.)*

a. Sooq tamatuma pitsaasutut nalilernerqarnersoq tunngavilersoqqullugu Naalackersuisut qinnuigineqarput, ilaatigut ilaasortaasinnaasut naapertuuttunik piginnaasallit ikinnerulernissaannik ilimagisaqarneq eqqarsaatigalugu.

Akissutit:

Inuk ilaasortatut avataaneersutut Naalackersuisunit toqqagaappat, Ilisimatusarfimmi ilisimatuunut ilinniartitsisunullu sinniisussatut toqqagaappat, sulisunit teknikimik sulialinni toqqagaappat imaluunniit ilinniartunit toqqagaappat assigiinnigissuteqarpoq.

Inuit Naalackersuisunit toqqagaasut inuttut piginnaasatik tunngavigalugit toqqagaasarpur, tassalu ilaasortaassagaanni sunik suliaqarneq apeqqutaanngilaq, parlattuanilli siulersuisuni ilaasortat sinneri eqimattakkaanut sinniisussatut toqqagaasarlutik. Eqimattakkaanut sinniisuujunnaarpata siulersuisuni ilaasortaasinnaanngillat. Matumanilu siulersuisuni ilaasorta § 9, imm. 2 malillugu eqimattakkaanut siusinnerusukkut sinniisuutitaasoq eqimattakkaat allat sinnerlugit siulersuisuni ilaasortaasinnaassanngitsaq § 8, imm. 1 siunertaanngimmat oqaatigineqassaaq. § 8, imm. 1 malillugu eqimattakkaani tamani ilaasortat toqqaqqinneqarsinnaapput qineqqinneqarsinnaallutilluunniit, taamaalilluni ilinniartoq ilinniartutut ataasiarluni qineqqinneqarsinnaavoq, tamatumalu kingorna inuk qinigaaffinni marlunni issiasinnaassalluni, soorlu ilisimatuutut kinguneratigullu avataaneersutut qinigaaffinni marlunni issiasinnaassalluni.

Tassunga atatillugu taaneqassaaq Ilisimatusarfiup inatsisitigut inissisimanagera assersuutigalugu KNR-ip inissisimanageranut assingummat, taannami aamma pisortat suliffeqarfutigaat namminersortitaq. KNR-ip siulersuisuinut toqqaaqqittarneq Radiukkut tv-kkullu aallakaatitsisarneq pillugu Inatsisartut inatsisaanni nr. 7, 8. juni 2014-imeersumi § 31, imm. 6, oqaaseqatigiit aappaanni atuarneqarsinnaavoq: "Ilaasortat toqqaqqinneqarsinnaapput, kisiannili ataasiaannartumik". Aalajangersakkamut tassunga nassuiaatini aamma atuarneqarsinnaavoq: "Aalajangersakkami oqaaseqatigiit aappaanni aalajangerneqarpoq ilaasorta § 9, imm. 2 malillugu eqimattakkaanut siusinnerusukkut sinniisuutitaasoq eqimattakkaat allat sinnerlugit siulersuisuni ilaasortaasinnaassanngitsaq § 8, imm. 1 siunertaanngimmat oqaatigineqassaaq. § 8, imm. 1 malillugu eqimattakkaani tamani ilaasortat toqqaqqinneqarsinnaapput qineqqinneqarsinnaallutilluunniit, taamaalilluni ilinniartoq ilinniartutut ataasiarluni qineqqinneqarsinnaavoq, tamatumalu kingorna inuk qinigaaffinni marlunni issiasinnaassalluni, soorlu ilisimatuutut kinguneratigullu avataaneersutut qinigaaffinni marlunni issiasinnaassalluni.

Tassa imatut paasillugu, killeqartitsineq imatut paasisariaqartoq toqqaaqqissinnaaneq imaluunniit qinigaqqinneq ataasiaannarluni pisinnaassasoq piffissaq siuliani atuuffusoq nangiinnarlugu, akornutissanngitsorli inuk siulersuisut avataanni piffissami aalajangersimasumi sulereerluni toqqarneqarsinnaanissaa. Tamanna siulersuisuni nutarteriuartoqarnissaa allanngorartoqartuarnissaalu qulakkeerniarlugu aalajangersarneqarpoq,

taamaattorli ilaasortassat piukkunnaatillit killeqarsinnaanerat eqqarsaatigalugu kingusinnerusukkut toqqaasoqarsinnaassalluni qinersisoqaqqissinnaassallunilu.

10. "Piffissap ilaanik" piffissaq qanoq sivisutigisoq pineqarnerisoq nalunaarutigeqqullugu Naalackersuisut qinnuigineqarput.

Akissutit:

Aalajangersimasumik piffissanut killiliisoqartarnera Naalackersuisut tulluurtutut isiginngilaat. Tamanna imatut paasisariaqarpoq taamaallaat piffissaq atuuffiusoq atuuffiussasoq siulersuisut nutaat toqqarneqarlutik sulileqqinnissaat pineqartoq.

11. Piffissaq siulersuisuugallartunut ilaasortaaffik piffissanut siulersuisunut ilaasortaasinnaaffinnut tamarmiusunut ilanngunneqarpa, tak. § 9, imm. 2?

Akissutit:

Matumani siulersuisuugallartut pineqartussaapput piffissat amerlassusaannut tunngatillugu sunniuteqarsinnaanngitsut, takuuk § 9, imm.2.

12. Qaqugu ineriartortitsinermut isumaqatigiissutip aallarnisarneqarnissaa naammassineqarnissaalu Naalackersuisunit naatsorsuutigineqarpa?

Akissutit:

Inatsisip atuutilernerata kinguninnguatigut ineriartortitsinermut isumaqatigiissutip piareeqqanissaa siunertaralugu tamanna pillugu upernaap ingerlanerani Ilisimatusarfiup isumasiortulugu aallartinnissaa Naalackersuisut naatsorsuutigaat.

13. Siulersuisunut ineriartortitsinissamik isumaqatigiissummi siullermi pissutsit suut siuarsarneqarnissaat Naalackersuisunit siunertarineqarpa?

Akissutit:

Tamanna suli isummerfigineqanngilaq, nassuiaatinili taaneqareersutut naammassinnittartut amerlisinnissaat assersuutitut taaneqarsinnaavoq. Aamma pitsaassutsimik qulakkeerinnittarnermut suliap ilanngunnissaa ilimanarsinnaavoq, tassami massakut Ilisimatusarfimmi pitsaassutsimik qulakkeerinnittarnerup piviusunngortinnissaanik ineriartortinnissaanillu suliaqartoqarpoq. Tamanna pillugu Ilisimatusarfik peqatigalugu oqallinnerit aallartereerput.

14. Malittuaniittut pillugit kisitsisitigut paasissutissat ataatsimiititaliamit qinnutigineqarput:

a. 1979-ip kingorna kalaallit ilinniartut qassit PH.D.-mik ilinniarnermik naammassisaqarsimappat?

Akissutit:

Ilisimatusarfimmi ph.d-mik ilinniarneq 2001-ip kingorna aatsaat periarfissanngorsimavoq, taamani "Ph.d-grad pillugu Namminersornerullutik Oqartussat nalunaarutaat nr. 36, 9. oktober 2001-imeersoq akuersissutigineqarmat.

Tamatuma kingorna inuit 13-it ph.d-mik ilinniarnermik naammassinnissimapput, massakullu ilinniartut 16-it ph.d-mut ilinniarnissamut allatsissimapput.

Tamatuma saniatigut kalaaleqarpoq nunani allani ph.d-mik ilinniagaqarsimasunik. Qanoq amerlatiginerannut kisitsitigut paasissutissaqanngilaq. Tamanna pissutigalugu 1979-ip kingorna ph.d-mik kalaallit ilinniartut qassit naammassinnissimanersut pillugit kisitsitigut paasissutissaqanngilaq.

Ilanngullugulu paasissutissiissutigineqarsinnaavoq 2017-ini inuit 47-t ph.d.-mik ilinniagaqarsimasut Kalaallit Nunaanni najugaqartut Naatsorsueqqissaartarfiup nittartagaanni takuneqarsinnaammata.

b. Ilisimatusarfimmi ilinniarnermi bachelorinngorniarnermiit Ph.D.-nngornissamut ilinniarnermut piffissaq agguaqatigiissillugu atugaq.

Akissutit:

Ilisimatusarfimmiit paasissutissiissutigineqarpoq bacheloritut, kandidatitut imaluunniit ph.d-tut ilinniartut agguaqatigiissillugu qanoq sivisutigisumik ilinniartarnerannut kisitsitigut paasissutissaateqarnatik.

Ph.d-tut ilinniartunut tunngatillugu Ilisimatusarfik paasissutissiivoq siullertut ph.d-tut ilinniarneq ilinniarnertut isigineqarnani atorfinnertut (ilisimatuutut) isiginerusariaqartoq.

Aappaattullu adjunktitut ilinniarneq ph.d-mik ilaqarluni ukiuni arfinilinni ingerlanneqartartoq aamma ph.d-tut ilinniarneq ukiuni pingasuni ingerlanneqartartoq periarfissaapput, taamaammallu imminnut assersuukkuminaallutik. Tamatuma saniatigut aamma pineqartoq ukiuni sisamani bacheloritut ukiuni sisamani atuarsimanini imaluunniit ukiuni pingasuni bacheloritut atuarsimanini tunngavigalugit ilaalersimansoq aammalu ilinniartut kandidatitut ph.d-mik aallartitsisimansoq assigiinngissutaapput.

Tamatuma saniatigut atuarnep nalaani soorunami erninereernerup kingorna allatullu sulinngiffeqartoqarsimasinnaavoq, ph.d-imillu atuartoq

soraarummeerutissaminik tunniussinissamini ukiup affaa angullugu
soraarummeerutissaminik misissueqqullugu piumaffigineqarsinnaavoq.

*c. Inuit Kalaallit Nunaanni imaluunniit qanittuani najugallit Ph.D.-imik
ilinniagaqarsimasut apeqqutip nr. 15-ip ataani ilinniagaqarfii iluanni*

Akissutit:

Ph.d-mik naammassisunit 13-iusunit sisamat Ilisimatusarfimmiit kandidatit
ilinniagaqarput.

Ph.d-tut ilinniarnissamut allatsissimasunit 16-iusunit tallimat Ilisimatusarfimmiit
kandidatit ilinniagaqarput.

Ph.d-tut ilinniartuussunit katillugit 30 %-it kandidatit ataaseq Ilisimatusarfimmi
angusisimavoq.

Ph.d-tut ilinniartut qassit Kalaallit Nunaanneersuunersut Ilisimatusarfimmiit
erseqqissumik taaneqarsinnaanngillat. Ilisimatusarfiup eqqoriarpaa
amerlanerujussuit Kalaallit Nunaanneersuussasut, kisiannili kandidatit
atuarnertik Danmarkimi nunaniluunniit allani ingerlassimassagaat.
Ilisimatusarfik suminngaanneersuunerannut sumilu inunngorsimanerannut
paasissutissanut isersinnaanngilaq.

d. Kalaallit Kandidatinnorsimasut, Ph.D.mik ilinniarnermut ingerlaqqittartut.

Akissutit:

Ilisimatusarfik taakkununga ersarissunik kisitsisaateqanngilaq. Ilisimatusarfiup
eqqoriarpaa inuit 60-80-it missaanniittut kandidatit naammassisimassasut,
taamaalillutillu 10-15 %-it ph.d-mut ingerlaqqittartut.

*e. Piffissami 2012-2017-imi Danmarkimi Ph.D.-nngorniarnermik
aallartissimasut, naammassisimasullu amerlassusaat*

Akissutit:

Kisitsisitigut paasissutissani Danmarks Statistikimeersuni atuarneqarsinnaavoq
2012-imi ph.dmut 2450-it tigutissimasut, kisitsisillu ukiumiit ukiumut
allanngorartuusut, 2017-imilu 2375-inngorsimallutik. Qanoq amerlatigisut
naammassinnittarsimanersut kisitsisaatigineqanngillat.

f. Nunani avannarlerni allani kandidatinnorniarnermut ingerlaqqittut.

Akissutit:

Apeqquutigineqartoq akineqassappat kandidatitut atualersuut kisimik nunamit ataasiinnarmeersut ph.d-mik ingerlatsisuusariaqassapput. Taamaattoq ph.d-tut atualernissamut tiguisarnermi nunanit allaneersut amerlasuut tiguneqartarput, taamaalillutillu suliassaqrifiit ilaat, soorlu teknikip pinngortitalerinerillu iluini, nunanit allaneersut ph.d-imik atuartut amerlanerusarput. Tamanna pissutigalugu tamatumuuna kisitsisitigut paasissutissat tatiginanngillat.

*15. Ilisimatusarfimmi atorfiit akuerisat pillugit Naalakkersuisut qinnuigineqarput nassuiaqqullugit:
g. Instituttip pisortai fagit malillugit
h. Immikkoortuni aqutsisut fagit malillugit*

Akissutit:

Ilisimatusarfik sisamanik instituteqarpoq, tamarmik immikkut aqutsisullit.

1. Kulturimik, Oqaatsinik Oqaluttuarisaanermillu Ilisimatusarfik
2. Ilinniartitsinerimik Ilisimatusarfik
3. Inuiaqatigiilerinerimik, Aningaasaqarnermik Tusagassiornermillu Ilisimatusarfik
4. Peqqissaanermik Ilisimatusarfik

Ilisimatusarfik 11-nik immikkoortanut aqutsisoqarpoq ilinniarnernut ukununga agguataarneqartunik:

1. Inuutissarsiornermi aningaasaqarneq;
2. Tusagassiuutilerineq
3. Inatsilerineq, pisortani inatsisit
4. Kulturilerineq inuiaqatigiilerinerlu
5. Ilinniartitsisutut
6. Nutserineq oqaluttaanerlu
7. Inuiaqatigiinnut ilisimatusarneq / West Nordic Studies
8. Inunnik isumaginninnermut siunnersortinngorniarneq
9. Oqaasilerineq, atuakkialerineq tusagassiuutilerinerlu
10. Peqqissaasut
11. Teologi

Tamakku saniatigut ilinniarnerni ingerlaqqiffiusuni arlalinni immikkoortortanut aqutsisut akisussaaffeqartiterput.

16. Immikkoortuni aqutsisunut sooq aqutsisinnaanermik piginnaasat piumasagaataanngillat?

Akissutit:

Naalackersuisut nalilerpaat atorfiit taamaattut inuttalersornissaanni atorfinittussap atuuffimmik isumaginninnissamini suliatigut naammattunik tunuliaqutaqartarnissaa pingaaruteqartuusoq. Atorfinitsitsinissamut ataatsimiititaliat ataasiakkaat namminneerlutik nalilertassavaat atorfinitsitsinermi aqutsisutut misilittagaqartuunissaq ilumut pingaartinneqartassanersoq.

Ilanngullugulu oqaatigineqassaaq institutini aqutsisuusunut tamanna aamma atuummat, tassanimi taamatut aamma piumasaqaasiortoqarsimanngimmat.

17. Sooq lektorip naliliinera atorsinnaanngila, ilisimatusarnermi militakkat qulakkeerniarlugit, soorlu Ilisimatusarfiup taamatut tikkuaraa?

Akissutit:

Ilisimatusarfimmi ilinniartitsisunut ilisimatuunullu atorfiit ilusaat pillugit isumaqatigiisummi § 6, imm. 5-imi atuarneqarsinnaavoq lektortitut atorfinitsitsisoqassappat ph.d-tut assingusumilluunniit ilinniakkamik qaffasissusilimmik ilinniagaqarsimanissaq piumasaqaataassasoq. Lektoritut nalilerneqarneq taamaammat ph.d-tut ilinniagalittut nalilerneqassaaq, tassami lektorit qaqugukkulluunniit ph.d-tut ilinniagaqareertarmata.

18. Ukiunut 10-inut §34 imm. 2-imi immikkut malittarisassatut aalajangerneqarnera sumik toqqammaveqarpa?

Akissutit:

Aalajangersakkamut nassuiaatini manna atuarneqarsinnaavoq: "Immikkut akuersissuteqarsinnaanermut aaqqissuussineq ilanngunneqarpoq, tassami massakkorpiaq nalilerneqarmat ph.d-mik ilinniagallit qinnuteqarsinnaasut killeqartussaasagunarmata.

Tamatuma saniatigut tusarniaanermut akissutinut oqaaseqaatini atuarneqarsinnaavoq: "Massakkorpiaq nunatsinni ph.d-mik ilinniagallit ikippallaarnerat nassuerutigalugu aamma ilinniaqinnissaq piffissamik atuffiusussaammat Naalackersuisut siunnersuummi § 34, imm. 2-mik allannguisimapput, taamaalilluni piginnaasanut piumasaqaatini ukiunik qulinik piumasaqarneq immikkut akuersissuteqarfusinnaalerluni, siunnersuutigineqaraluartut ukiut tallimat pineqarunnaarlutik. Tusarniaanermut akissutit tiguneqartut malillugit tamanna allanngortinneqarpoq."

19. Tusarniaanermi akissutit arlallit tunngavigalugit, ataatsimiititaliap Naalackersuisut qinnuigissavai, tunngaviusumik kingunerluutaasinnaasut

isigeqqullugit, oqariartuutip nalinga, naalackersuinikkut tunngaviatigut ilinniagaqarneq akuersissutigineqartassappat.

Akissutit:

Ilinniakkat ingerlaqqiffiusut pillugit Inatsisartut inatsisissaattut siunnersuummi § 2 malillugu ilinniarnernut ingerlaqqiffiusunut ataqatigiissumik atortumik Naalackersuisut qulakkeerinnittussaapput, siunnersuummilu § 4, imm. 1, nr. 1 malillugu ilinniartoqarfiit arlallit ilinniarnernik imminnut assingusunik neqeroortussaannngillat. Ilinniarnernup akuerineqarnissaanut piumasaqaatit siunnersuummi § 4-mi atuarneqarsinnaapput.

Naalackersuisullu ilinniakkamik neqeroorummik akuersisinnaassappata piumasaqaatit arlallit naammasseqqaartariaqarput, piumasaqaatillu tamakku naammassineqarsimanersut Naalackersuisut nakkutigissappassuk pisariaqarpoq ilinniarnernit akuerisassannngorlugit Naalackersuisunut saqqummiunnissaat.

Ilinniakkat ingerlaqqiffiusut pillugit Inatsisartut inatsisissaattut siunnersuummi Ilisimatusarfimmi ilinniarneqartussanik neqeroortarneq kisimi pineqanngilaq, taamatuttaarli ilinniarnerni ingerlaqqiffiusuni qitiusumik ilinniarfinni allatullu ilinniartoqarfinni akuerisaasuni ingerlanneqartuni neqeroorutit pineqarlutik. Taamaammat ilinniarnernit suunersut iluamik paasisaqarfigerusullugit nalilerneqarpoq tulluarnepaajussasoq Naalackersuisut ilinniarnernut tamanut akuersissuteqarsinnaanermut piginnaatinneqarpata. Akademisk Råd, Ilisimatusarfimmi sulisitaq, Kalaallit Nunaanni ilinniartoqarfinni allani ilinniarnernik sunik neqeroortoqartarnersoq iluamik paasisutissaateqarunannngilaq. Naalackersuisut taamaammat nalilerpaat ilinniarnernit akuerisassannngortariaqartut, matumani Ilinniarnernit ingerlaqqiffiusut pillugit Inatsisartut inatsisissaattut siunnersuummi §§ 2 aamma 4 naammassiniarlugit.

Tassunga atatillugu taaneqassaaq Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersumi § 5, imm. 2, oqaaseqatigiit aappaanni atuarneqarsinnaammat Aammattaaq Naalackersuisut qitiusumik ilinniarfiit inuutissarsiutinillu ilinniarfiit ilinniartitsinermut pilersaarutaat akuersissutigisassavaat, qitiusumik ilinniarfiit siulersuisuisa aamma qitiusumik ataatsimiititaliat inassuteqareernerisigut, aamma qitiusumik ilinniarfinni ilinniakkanik akuersissutit tunuartissinnaavaat, qitiusumik ilinniarfiit siulersuisuisa aamma qitiusumik ataatsimiititaliat inassuteqareernerisigut. Qitiusumik Ilinniarfiit Ilisimatusarfik assigalugu inatsisitigut toqqammavissaqarpoq, tassalu pisortat suliffeqarfiutigaat namminersortitat.

Inuussutissarsiutitigut ilinniartitaanerni Naalakkersuisut taamaalillutik ilinniarnissanut pilersaarutit akuersissutigisarpaat, tamannalu ajornartorsiutinik pilersitsisimagunanngilaq. Naalakkersuisut aamma naatsorsuutiginnngilaat ilinniarnernut ingerlaqqiffiusunut tamanna ajornartorsiutinik pilersitsiffiussasoq.

Ilanngunneqassaarluk organistinngornianut ajoqinngornianullu ilinniagaqarnersiuteqartitsineq aamma Naalakkersuisunit akuersissutigineqartussaammat. Tamanna Inatsisartut kingullermik ilageeqarneq pillugu inatsimmik allanngortitsisoqarnerani aalajangerpaat, tamannalu pivoq 2018-imi ukiakkut akuersissuteqartoqarneratigut.

Akuersissuteqartarnermi periuserineqartumi immikkut oqartussaaffik rektorip isumagisassaa siunnersuutigineqarpoq, tassani rektori akademisk rådimi ilaasortaajunnaarnikummat. Akuersissuteqarneq akademisk rådimiit inassuteqareernikkut pissaaq, ilimanarporlu pissutissanik annertuunik peqartoqarsimassasoq rektori inassutigineqartumik akuerinninniingippat, tassami akademisk rådimiittut suliatigut annertuumik ilisimasaqartuummata.

Aamma tusarniaanermut akissutitut oqaaseqaatini atuarneqarsinnaavoq ilinniagaqarnersiuteqartitsinermut atatillugu akademisk rådiip oqaasissaarutsinneqartutut nalilerneqanngimmat, tassami ilinniagaqarnersiutit pineqartillugit akademisk rådiip isummertarnissaa pingaaruteqaqimmat.

Siuliniittut tunngavigalugit taamaalilluni inerniliunneqarpoq akuerseriaaseq siunnersuutigineqartoq ajortunik sunniuteqarnavianngitsoq Naalakkersuisut nalilerpaat.

Ilanngullugulu paaseqquneqarpoq ilinniagaqarnersiutinik Naalakkersuisut akuersisartussaanagerat ilinniarnertuunngorniarfinni rektorit tapersersormassuk. Ilinniarnertuunngorniarfiit ilinniartut ilinniarnerni ingerlaqqiffiusuni atualersussat ilinniartitaraat. Taamaammat ilinniarnertuunngorniarfinnut pingaaruteqartorujussuuvoq ilaatigut ilinniarnernut ataasiakkaanut atualersinnaanermut piimasaqaatit pillugit ilisimatinneqartarnissaq, tamanna aqutitigalugu piffissaagallartillugu ilinniarneqartussanik naleqqussaannermik siunnersuinermillu suliaqarniassammata. Taamaaliornikkut ilinniarnertuunngorniarfiit ilinniarnernut piareersarfiusunut ilinniakkanilu sammititanut naleqqussaasinnaassammata, taamaalillutillu ilinniarnernut ingerlaqqiffiusunut neqeroorutaasunut isersinnaalerlutik. Taamatuttaaq ilinniarnertit ingerlaqqiffiusunut pisariaqassaaq ilinniarnertuunngorniarfiit pillugit paasitinneqartarnissaq, tamannalu aqutitigalugu ataqatigiissaarinissaq qulakkeerlugu. Ilinniarneqartut qaffasissutsimikkut ataqatigiittariaqarput, ilinniartut tamanna aqutitigalugu ilaatigut ilinniaqqinnissamut

piareersimaniassammata, ilinniarnerrillu ingerlaqqiffiusut
ilinniarnertuunngorniarninni suliaareersunik nangitsillutik.

Tamatuma saniatigut ilinniarnerni ingerlaqqiffiusuni ilinniagassatut neqeroorutit
nunatsinni ilinniarnertuuni assigiinngisitaartuunermut naapertuutissasut.
Assigiinngisitaartuunermik oqarnermi ilinniartut inuussutissarsiortullu
ilinniarnernut ingerlaqqiffiusunut/neqeroorutinut kissaataat pineqarput,
ilinniartullu soraarummeernerminni agguaqatigiissillugu angusarisaat
apeqqutaatinnagit ilinniarnissamat periarfissat assigiittariaqarput. Matumani
isumarineqanngilaq kikkut tamarmik angusarisaat apeqqutaatinnagit ilinniarnernut
isersinnaalernissaat, kisiannili aamma qulakkeertariaqarluni ilinniarnernut
ingerlaqqiffiusunut ilinniartut soraarummeernermi qaffasissumik
angusaqanngikkaluarlutik isersinnaanissaat. Ilinniartitaanermut
Naalackersuisoqarfik taamaalilluni ilinniarnertuunngorniarniit aamma
ilinniarnerrit ingerlaqqiffiusut akornanni attaveqaataasinnaavoq.

*20. § 18, imm. 2 kingunerissavaa, Ilinniagartuut siunnersuisoqatigiiffianni
siusinnerusukkut toqqagaaffinni marlunni siusinnerusukkut ilaasortaasimasoq
inissisimaneq nutaaq pissutigalugu toqqagaaqqissinnaanngitsoq?
(assersuutigalugu siunnersukkut ilinniartoq, kingusinnerusukkut
Ilisimatusarfimmi atorfinittoq.)*

*a. Naalackersuisut qinnuigineqarput tunngavilersoqqullugu, sooq killilimmik
toqqagaaqqinneq tulluartutut nalilerneqartoq, ilaatigut ilaasortat
qinerneqarsinnaasut piginnaasallit killilerneqarnerat eqqarsaatigalugu.*

Akissutit:

Apeqput 9-mut akissutigineqartut innersuussutigineqarput. Aalajangersagaq
siunnersuummi § 9, imm. 2-tut paasineqassaaq.

*21. § 26, imm. 2 malillugu Institutip siunnersuisoqatigiivini siusinnerusukkut
ilaasortaasimasoq qinigaaqqissinnaanngilaq qanorluunniit sivistigisumik
atorfeqarsimagaluaruni?*

Taamaattoqassappat:

*a. . Taava instituttimi minnerpaami sulisut qanoq sivistigisumik
atorfeqassappat Institutip siunnersuisoqatigiivinut ilaasortaanissamat
qinigaaqqissinnaajunnaarnissaanut takuuk § 25, imm. 1 nr. 3 aamma 4?*

*b. Sooq Naalackersuisut pisariaqarsoraat killilersuineq piffissami
killiligaanngitsumi?*

Akissutit:

Apeqput 9-mut akissutigineqartut innersuussutigineqarput.

22. *Naalackersuisut nassuiaaqquneqarput, aalajangersagaq taanna Ilisimatusarfiup sulisuinut qanoq sunniuteqassasoq maannakkut malittarisassanut atuuttunut periusaanullu sanilliullugu. Oqartussat ataanni Ilisimatusarfiup imminut pigisutut suliffeqarfiunera eqqarsaatigalugu.*

Akissutit:

Aalajangersagaq Ilisimatusarfiup sulisuinut imannak sunniuteqartussaangilaq, tassami aalajangersakkami suna suliassaanersoq kisimi aalajangersaaffigineqarmat.

Aalajangersagaq aamma ilaatigut KNR aamma qitiusumik ilinniarfiit pillugit inatsisini takuneqarsinnaavoq, taakkualu taaneqareersutut Ilisimatusarfik assigalugu inatsisitigut inissisimmata.

Ilisimatusarfilli tusarniaanermut atatillugu aalajangersakkamut tassunga oqaaseqaateqarpoq. Tassani takuneqarsinnaavoq atorfinitsitsisarnernut tunngatillugu Namminersorlutik Oqartussanit aalajangersarneqartut malinniassallugit ajornartoqarsinnaasartooq piffissamillu atuinarsinnaasartooq, pingaartumik ilisimatuut ilinniartitsisullu nunanit allaneersut atorfinitsinniartarnerannut tunngatillugu. Tassunga atatillugu Naalackersuisut akipput aaqqiissutissat ilisimatuut ilinniartitsisullu allamiut atorfinitsinniartarnerannut oqilisaataasinnaasut pillugit oqaloqatigiinnernik Naalackersuisut allartitsiniartut.

23. *Ilisimatusarfimmu taxameteri malillugu tapiisarnerup pisinnaangornissaanik siunnersuutini Naalackersuisut Kalaallit Nunaanni imaluunniit nunani allanit pitsaasunik misilittakkanik peqarpat?*

Akissutit:

Kalaallit Nunaanni inuussutissarsiutitigut ilinniartitaanerni tapiissutit ilaat taxameter najoqqutaralugu tapiissutit tunniunneqartarput. Atuarfiit namminneq kontumik pingaarnermik najoqqutassaqarput, taakkunanilu ingerlatsinermut aningaasaliissutit takuneqarsinnaallutik. Tamatuma saniatigut atuarfiit suliniutigineqartut aallaavigalugit tapiissutinik tunineqartarput, taakkualu atuarfiup sammisaanut piumasaqaatit tigussaasut tunngavigalugit (sammisaq akigitartu) aningaasaliissutit inatsisitigut pisussaaffiusut aqqutigalugit tunniunneqartarlutik, takuuk 40.91.31, Suliniutit aallaavigalugit tapiissutit (Aningaasaliissutit inatsisitigut pisussaaffiusut). Taamaammat taxameter najoqqutaralugu tapiissutinik tunniussisarnermik Naalackersuisut ajunngitsumik misilittagaqarput.

24. *Ilisimatusarfik pillugu aaqqissuussineq isornartorsiorneqartoq ataatsimiititaliap ersarissumik paasivaa. Naalackersuisut qinnuigineqarput*

naasumik ersarissumillu nassuiaaqquneqarput, sooq Naalackersuisut pisariaqarsorineraat, Ilinniakkat aaqqissugaaneri naalackersuinikkut akuersissutigineqartassanersut? (inatsisissatut siunnersuummut nalinginnaasumik oqaaseqaatinut ilassutitut nassuiaat saqqummiuteqquneqarpoq. Akissut ilanngunneqarsinnaavoq apeqqut 19-imut akissummi.)

Akissutit:

Apeqqut 19-imut akissut innersuussutigineqarpoq.

25. Naalackersuisut qinnuigineqarput ilisimatitsissutigeqqullugu, suut nunat allat ilinniakkat aaqqissuussaanerimut assigisaanik inatsiseqarlutik naalackersuinikkut akuersisartut?

Akissutit:

Naalackersuisut nunanik allanik taamatut ingerlatsisunik ilisimasaqanngillat. Nunarpummi inoqassutsimigut aamma mikivoq, taamaammallu ilinniartoqarfiit assigiinngitsut imminnut unaminaveersaartariaqarlutik. Taamaammat ilinniartoqarfiit assigiinngitsut akunnerminni ataqatigiissaarisarnissaat pingaaruteqarpoq, ilinniarnertuunngorniarfiillu ilinniarnerni ingerlaqqiffiusuni tiguneqarnissamut piunasaqaatit tunngavigalugit ilinniarnissat piareersartassagaat.

26. Ilinniartoqarfiit naalackersuinikkut kiffaanngissuseqarnissaat Naalackersuisut isumaqatiginerlugu – taamaassappallu, qanoq ilillutik inatsisissatut siunnersuutit pingasut taassuma tungaanut qanoq sammippat?

Akissutit:

Naalackersuisut kiffaanngissuseqarnissamut taaneqartunut tamanut isumaqataapput, isumaqarlutillu siunnersuutit pingasut tamarmiullutik naalackersuinikkut kiffaanngissuseqarnissaq eqqarsaatigalugu suliarineqarsimassasut.

Inussiarnersumik inuulluaqqusillunga


Ane Lone Bagger



INATSISARTUT

Ilinniartitaanermut, Kultureqarnermut,
Ilageeqarnermut aamma Nunanut allanut
Naalakkersuisoq
ikin@nanog.gl

Ulloq: 09-04-2019

J.nr.: 01.39.01.03-00199

UPA2019/199,200 aamma 201 pillugit malitseqartitsilluni apeqqutit

Ulloq 26. februar 2019 apeqqutit qulaani pineqartut ataatsimiititaliap apeqqutaanut akissutit Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliap tiguai. Naalakkersuisut akissutaat pillugit ataatsimiititaliaq qujavoq, taamaattorli ataatsimiititaliap pisariaqartissimavaa ataani allasimasunik malitseqartitsilluni apeqquteqassalluni.

Ulloq 26. februar 2019 Naalakkersuisut akissutaannut atatillugu apeqqut:

1. Akissut nr. 1-imi atuarneqarsinnaavoq "Ilisimatusarfik suleriaaseqarnissamut kiffaanngissuseqarnersoq" "ilisimatusarnissamut kiffaanngissuseqarnermut ilaammat". Naalakkersuisut qinnuigineqarput "suleriaaseqarnissamut kiffaanngissuseqarneq" aamma "suleriaaseqarnissamut kiffaanngissuseqarneq" nassuiaqqullugit.
 - a. Siunnersuummi "suleriaaseqarnissamut kiffaanngissuseqarnerup" peerneqarnerani aalajangersakkap oqaaseqatigiiviniq oqilisaaneq kisimi siunertaava?
2. Apeqqut nr. 4-mut tunngatillugu Naalakkersuisut tunngavilersuutaat ataatsimiititaliamit amingaatinneqarpoq – Naalakkersuisut qinnuigineqarput ilimaginninnerminnut pissutaasoq ilisimatitsissutigeqqullugu.

Akissut nr. 17-imi atuarneqarsinnaavoq imaattoq:

*"Ilisimatusarfimmi ilinniartitsisunut ilisimatuunullu atorfiit ilusaat pillugit isumaqatigiissummi § 6, imm. 5-imi atuarneqarsinnaavoq lektorit atorfinititsisoqassappat ph.d-tut **assingusumilluunniit** ilinniakkamik qaffasissusilimmik ilinniagaqarsimanissaq piumasaqaataassasoq. **Lektorit nalilerneqarneq taamaammat ph.d-tut ilinniagalittut nalilerneqassaaq, tassami lektorit qaqugukkulluunniit ph.d-tut ilinniagaqareertarmata.**"*

(ataatsimiititaliap ersarissagaa)

3. Apeqqut 17-imut akissut pillugu: qulaani pineqartut § 6, imm. 1-6 malillugit Lektorimik pitsaasumik naliliineq / lektorit atorfinnerup ilisimatusarfimmi aqutsinissamut kissaatigineqartut lektorit piginnaasat naammassappat?

"Atorfinissutaasinnaasumik bachelorit" atorunnaarnerat

Ilinniartitsisutut ilinniarnermi atuartitsinermi perorsaanermilu ilisimasat amingaatigineqartut piffissami kingullermi tamanit oqallisigineqarput. Ilinniartut ilinniarnermillu naammasseqqammersut atuartitsinermi periutsini il.il. nalinginnaasumik ilisimasassanik amigaatigisaminnik ujartuipput.

4. "Atorfinissutaasinnaasumik bachelorit" aamma "bachelorit" - tamatumunnga ilanngullugit ilinniariaatsini assigiinngissutsit, suliffimmi sungiusartarneq il.il. nunarsuarmioqataanermi nunanilu avannarlerni qanoq isumaqartinneqarnersut Naalakkersuisunut nassuiaqquneqarpoq.
5. "Atorfinissutaasinnaasumik bachelorit" toqqaannartumik taamatut taaguuteqarunnaarpata Kalaalit Nunaanata avataani ilinniarsimasunik ilinniartitsinermut, peqqissaanermut il.il. bacheloritut ilinniarsimasunik siunissami sulisussarsiorsinnaaneq pillugu Naalakkersuisut qanoq eqqarsaasersuuteqarpat?

UPA2019/200-mut oqaaseqaatini allassimasoqarpoq, bacheloritut ilinniakkat aamma atorfinissutaasinnaasumik bacheloritut ilinniakkat danskit pitsaassusissanik sinaakkusiussani qaffasissuseqatigiissillugit inissineqassasut. Pitsaassusissanut Sinaakkusiussaq aallaaveqarpoq EQF-imik (European Qualification Framework). Tassungalu atatillugu Ilinniartitsinermut Ilisimatusarnermullu ministeriaqarfiup nittartagaa innersuutigineqarpoq.

6. "Atorfinissutaasinnaasumik bacheloritut" ilinniarnert aamma "nalinginnaasumik bacheloritut" ilinniarnert immikkoortitaanerisa atorunnaarsinneqarnissaata siunnersuutigineqarnera ataatsimiititaliap tupigusuutigaa (§ 11, imm. 1 UPA2019/200-imi). Ataatsimiititaliap taamaasilluni paasivaa, danskit Ilinniartitsinermut Ilisimatusarnermullu ministeriaqarfiata Naalagaaffiup suliaa EQF pillugu suliaqartup bachelorit taakku assigiinngitsut marluk ersarissumik immikkoortikkai¹. Naalakkersuisut tamanna pillugu oqaaseqarpoq.

UPA2019/200-mut oqaaseqaatini ima allassimasoqarpoq:

"Inatsisit atuuttut naapertorlugit atorfinissutaasinnaasumik bacheloritut ilinniarnert aamma nalinginnaasumik bacheloritut ilinniarnert immikkoortitaapput. Immikkoortitsineq taanna siunnersuummi ingerlateqqinneqanngilaq. Tamatumunnga patsisaatinneqarpoq ilinniakkat malunnaatilimmik assigiinngissuteqarunnaarsimasutut isumaqartoqarmat, tassami bacheloritut ilinniakkat neqeroorutaasut amerlanersaat Ilisimatusarfimmit neqeroorutaapput, taassumalu ilinniakkat ilisimatusarnermik tunngaveqarnerat qularnaartarlugu. Aammattaaq nunarsuaq tamakkerlugu ineriartornerup takutippaa, immikkoortitsisarneq qimakkartorneqartoq."

¹ Takuuk Ilinniartitaanermut Ilisimatusarnermullu Ministeriaqarfiup nittartagaa, "Bachelor- og diplomuddannelser" tooruk:

<https://ufm.dk/uddannelse/anerkendelse-og-dokumentation/dokumentation/kvalifikationsrammer/typer/hardtableview> – danskisuinnaq allaqqavoq.


7. Naalackersuisut suna pitsaanerpaajusoraat:

- Bacheloritut ilinniarnert tamarmik, qanorluunniit siunissami suliffissanik pisariaqartitsisoqartigigaluarpat, ilisimatusarnermik tunngavilimmik siunertaq naleqqussarneqassasoq – siunertaq, atorfinissutaasinnaasumik bacheloritut ilinniarneq ilisimatusarfimmi aallartinneqanngikkallarmalli aalajangersarneqartoq, imaluunniit
- Ilinniartitsisutut ilinniartut ilinniartitsisunngorlaallu pisariaqartitsineramik oqaatigisaat malillugu suliffissomerusumik aamma ilinniarnermut tunnganerusumik bacheloritut ilinniartitsisinnaanermut ilisimatusarfik tunngavissinneqassasoq? (ima paasillugu, qangatut ilinniarnermut taamatuttaarlu professionshøjskoletut ilisimatusarfimmi ilinniarneq kalaallit nunaanni inuiaqatigiinnut naleqqussarneqassasoq.)

Ataatsimiititaliap Naalackersuisut kalaallisut danskisullu akissutissat tigunissaat qilanaaraat. Akissutit qarasaasiakkut nassiateqquneqarput uunga ina@ina.gl assilineralu ataatsimiititaliap allattaanut nassiullugu uunga rfr@ina.gl.

Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliaq sinnerlugu

Inussiarnersumik inuulluaqqusillunga



Doris J. Jensen

Ataatsimiititaliap siulittaasua



Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliamut

UPA 2019/199, UPA 2019/200 aamma UPA 2019/201-imut tunngatillugu allakkatigut apeqquutigineqartut akineqarnerat

25-04-2019
Suliap nr. 2017 - 5069
Allakkat nr. 10532282

Naalakkersuisut ataatsimiititaliap apeqquutigisaanut 9. aprilimeersunut qujapput, taakkulu matumuuna akineqassapput.

Postboks 1029
3900 Nuuk
Oqarasuaat: +299 34 50 00
Email: ikiin@nanoq.gl
www.nanoq.gl

1. Akissut nr. 1-imi atuarneqarsinnaavoq "Ilisimatusarfik suleriaaseqarnissamut kiffaanngissuseqarnerisooq" "ilisimatusarnissamut kiffaanngissuseqarnermut ilaammat". Naalakkersuisut qinnuigineqarput "suleriaaseqarnissamut kiffaanngissuseqarneq" aamma "suleriaaseqarnissamut kiffaanngissuseqarneq" nassuiaqqullugit.

a. Siunnersuummi "suleriaaseqarnissamut kiffaanngissuseqarnerup" peerneqarnerani aalajangersakkap oqaaseqatigiiviniq oqilisaaneq kisimi siunertaava?

Akissut:

Taaguutip nalinginnaasumik atorineqartartup pineqarnera pissutigalugu ilisimatusarnissamut kiffaanngissuseq siunnersuummi nassuiarneqanngitsoq Naalakkersuisut aallaqqaasiullugu ilisimatitsissutigissavaat. Inatsisip oqaasertaani suleriaaseqarnissamut kiffaanngissuseqarneq ilaanngimmat taaguut nassuiarneqanngilaq. Aamma suleriaaseqarnissamut kiffaanngissuseqarneq taaguutaavoq nalinginnaasumik atorineqartoq.

Taamaattumik Naalakkersuisut pissarsiffinni attuumassutilinni taaguutit atorineqartut nassuiarneqarneri aamma innersuussutigissavaat.

Ilisimatusarnissamut kiffaanngissuseqarnerup nassuiaataa forskerportalen.dk-miittoq assersuutigineqarsinnaavoq: "Ilisimatusarnermi sammisamik toqqaasinnaanissamut, apeqquuteqarnissamut, akissuteqarfiginissaanut, suleriaasissanut kiisalu isummat naammattumik uppersaataassaqqanngikkallartut, angusat isumaliuutersuutillu saqqummiunnissaannut kiffaanngissuseqarneq ilisimatusarnissamut kiffaanngissuseqarnermi pingaarnertut pineqarput."

Aamma siunnersuummi § 21, imm. 3, imm. 1-imut aamma 2-mut innersuussisoqarpoq, tassani allassimavoq: "Instituttimi aqutsisoqarfiup suleqataasut ilisimatusarnermi periutisunik kiffaanngissuseqarnerat mianeralugu suliassanik aalajangersimasunik isumaginnittussanngorlugit peqqusinnaavai. Ilisimatuutut sulisut ilisimatusarnissamut kiffaanngissuseqarput, piffissamilu suliassanik pisussaaffiligaanngisaminni Ilisimatusarfiup ilisimatusarnissamut periusissiaanut sinaakkusiussap iluani kiffaanngissuseqarlutik ilisimatusarlutik." Aalajangersakkamut matumunnga nassuiaatini

ilaatigut tullinnguuttut allassimapput: "Ilisimatuut ataasiakkaat nammineq atorfeqartitaaffimmik iluanni ilisimatusarnissamut kiffaanngissuseqarput, atorfeqartitaanerup kinguneranik pisussaaffiit atuutsinneqarlutik. Taamaasilluni ilisimatuut ataasiakkaat ilisimatusarnermut periutsimik, ilisimatusariaatsimik kiisalu qulequttanik universitetip ilisimatusarnermut sinaakkusiussaasa iluanniittumik kiffaanngissuseqarlutik toqqaasinnaapput."

Ilisimatusarnissamut kiffaanngissuseqarnermi suleriaaseqarnissamut kiffaanngissuseqarneq ilaavoq.

Suleriaaseqarnissamut kiffaanngissuseqarnerup nassuiaataa ordnet.dk-miittoq assersuutigineqarsinnaavoq: *"Aalajangersimasumik anguniagaqarneq angusaqarniarnerluunniit siunertaralugit pisumi tamatumani suleriaatsip pitsaanerpaap atornissaanut kiffaanngissuseqarneq."*

Suleriaaseqarnissamut kiffaanngissuseqarneq siunnersuummut nassuiaatini 26. februar 2019-imilu akissummi taaneqareersutut ilisimatusarnissamut kiffaanngissuseqarnermut ilaavoq. Tamanna tunuliaqutaralugu suleriaaseqarnissamut kiffaanngissuseqarnerup immikkut taaneqarnissaa pisariaqarsorineqanngilaq.

2. Apeqput nr. 4-mut tunngatillugu Naalackersuisut tunngavilersuutaat ataatsimiittitaliamit amigaatigineqarpoq – Naalackersuisut qinnuigineqarput ilimaginninnerminnut pissutaasoq ilisimatitsissutigeqqullugu.

Akissut:

Ilimaginninneq 21. december 2018-imi ataatsimiittaliap saaffiginnissutaani apeqputit pingajuannut akissummut tunngaveqarpoq. Taamaattumik tassunga akissut innersuussutigineqarpoq.

3. Apeqput 17-imut akissut pillugu: qulaani pineqartut § 6, imm. 1-6 malillugit Lektorimik pitsaasumik naliliineq / lektorit atorfinnerup ilisimatusarfimmi aqutsinissamut kissaatigineqartut lektorit piginnaasat naammassappat?

Akissut:

Rektorisut rektorilluunniit tullersortaat atorfinnerissamut lektorisut nalilerneqartup piginnaasai naammangillat. Rektorinut rektorillu tullersortaannut ph.d.-tut ilinniarsimanissamik piumasaqaateqarnerup saniatigut Kalaallit Nunaanni pissutsinik ilisimasaqarnissamik, ilinniartitaanermut tunngasunik ilisimasaqarnissamik, aqutsisuunermik aammalu ilisimatusarnermi ilinniakkanilu avatangiisinik ineriartortitsinermik misilittagaqarnissamik kiisalu Ilisimatusarfiup suliaanik inuiaqatigiinnillu iliuuseqaqatigiittarneranik ilisimasaqarnissamik piumasaqaateqarpoq.

Taamatutaaq nammineq ilisimasanik ilinniartitsinermik misilittagaqarnissamik piumasaqaateqarneq pissutigalugu lektorit nalilerneqarsimasup institutimi immikkoortortamilu pisortamut piginnaasai naammangillat.

4. "Atorfinnerissutaasinnaasumik bachelorit" aamma "bachelorit" - tamatumunnga ilanngullugit ilinniariaatsini assigiinngissutsit, suliffimmi sungiusartarneq il.il. nunarsuarmioqataanermi nunanilu avannarlerni qanoq isumaqartinneqarnerisut Naalackersuisunut nassuiaqquneqarpoq.

Akissut:

Nunani avannarlerni Danmarkimi taamaallaat "atorfinnut aalajangersimasunut bachelorit" ("professionsbachelor") atorneqartut tabelimi tullernguuttumi takutinneqarpoq. Nunani avannarlerni allani ilinniakkani bachelorisut taaneqartartut Danmarkimi professionsbachelorisut taaneqartarput. Ilinniakkanik akuersaaqatigiittoqarsimatillugu taava nunani avannarlerni allani Danmarkimi "atorfimmuut piginnaasatut" taaneqartartunut tunngatillugu bachelorisut ilinniakkani piumasaqaatit ilanngunneqarsimassapput.

"Professional bachelor" European Quality Frameworkimi (EQF) nassuiameqanngilaq. Tassa EQF aqquqatillugu Europami kiisalu nunarsuarmi nunarpassuarni ilinniakkanik akuersaaqatigiittoqarsimatillugu, atorfimmuut aalajangersimasumut bachelorisut ilinniagaq Danmarkimi taamaallaat atorneqartarpoq, Danmarkilli avataani atorfimmuut aalajangersimasumut bachelorit bachelorisut nalinginnaasutut taaneqartarlutik.

Table 3. Overview of study programme structure

Country	Qualifications available	ECTS length
Denmark	Academy Profession degrees	90–150
	Professional Bachelor degrees	180–240*
	Bachelor's degree in Arts	180
	Bachelor's degree	180
	Master's degree in arts	120–180
	Master's degree	120
	PhD degree	180
Finland	Polytechnic Bachelor degree	210–240
	Bachelor Degree	180
	Polytechnic Masters Degree	90–120
	Master degree	120
Iceland	Doctoral degree	
	Bachelor degree	180–240
	Candidatus degrees	240–360
	postgraduate certificates	60
	Master degree	120
Norway	PhD	180
	One year programmes (årsstudium)	60**
	College candidate (only in certain study areas)	120**
	Bachelor degree	180–240
	Masters degree	120
	PhD	
Sweden	Higher Education Diploma	120
	Bachelor	180
	Master degree	60–120
	PhD	240

* can also build on Academy Profession degrees.

** can be a part of a Bachelor programme.

Najoqutaq: Higher Education in the Nordic Countries. Evaluation of the Nordic agreement on admission to higher education Suliarinnittut: Mari Elken, Elisabeth Hovdhaugen aamma Jannecke Wiers- Jenssen. Nordic Council of Ministers 2015. ISBN 978- 92- 893- 4053- 3 (PDF)

5. "Atorfinissutaasinnaasumik bacheloritut" toqqaannartumik taamatut taaguute-qarunnaarpata Kalaalit Nunaanata avataani ilinniarsimasunik ilinniartitsinermut, peqqissaanermut il.il. bacheloritut ilinniarsimasunik siunissami sulisussarsiorsinnaaneq pillugu Naalackersuisut qanoq eqqarsaasersuuteqarpat?

Akissut:

Tamatumunnga ajornartorsiutaasinnaasunik soqanngitsoq Naalakkersuisut isumaqarput.

Peqqissaasut Kalaallit Nunaanni peqqissaasuunissamut akuersissuteqarfigineqartarput. Kalaallit Nunaata tamatumunnga nunat avannarliit akornanni ataatsimut isumaqatigiissutaannut ilaanera pissutigalugu akuersissut taanna qinnuteqarnikkut nunani avannarlerni allani atorneqarsinnaavoq. Tassunga ilanngullugu Kalaallit Nunaanni peqqissaanermik ilinniakkap danskit taaguutaat "Bachelor i sygepleje", kalaallisut "Peqqissaasoq Bachelorinngorniarfik" tuluttullu "Bachelor of science in nursing" atorlugit ingerlanneqarnera oqaatigineqarsinnaavoq. Ilinniakkami imarisat, ilikkagassatut anguniagassat il.il. allannortinneqanngillat, naak ilinniagaq atorfinissutaasinnaasumik bachelorisut ilinniakkatut taaguuteqarunnaarsinneqaraluartoq.

Nunani avannarlerni arlalinni ilinniartitsisutut ilinniagaq kandidatitut ilinniagaavoq, tassa ilisimatusarfimmi ilinniagaq. Tamanna ilaatigut Finlandimi, Norgemi Islandimilu atuuppoq. Taamaattumik Kalaallit Nunaanni ilinniartitsisunngorniarfiup imarisai taakkuummata pingaarutillit, bachelorisut ilinniakkatut taagorneqarnera Naalakkersuisut ajornartorsiutitut isiginngilaat. Ilinniartitsisunngorniarfiup atorfinissutaasinnaasumik bachelorinngorniarfittut taaguuteqarunnaarnera bachelorinngorniarfittullu taaguuteqalersinneqarnera taamaallaat pissutigalugu ilinniartitsinerit sulianut tunngassutillit annikillisinneqassanngillat ilinniakkalluunniit sivisussusaa sivikillisinneqassanani.

Nunamiit nunamut taaguutit allannorartarneri pissutigalugit taaguutaa pingaaruteqanngitsoq paarlattuanilli ilinniakkatigut pissarsiarisat sammisatigullu imarisat pingaaruteqartut Naalakkersuisut isumaqarput.

6. "Atorfinissutaasinnaasumik bacheloritut" ilinniarnert aamma "nalinginnaasumik bacheloritut" ilinniarnert immikkoortitaanerisa atorunnaarsinneqarnissaata siunnersuutigineqarnera ataatsimiititaliap tupigusuutigaa (§ 11, imm. 1 UPA2019/200-imi). Ataatsimiititaliap taamaasilluni paasivaa, danskit ilinniartitsinerimut ilisimatusarnermullu ministeeriaqarfiata Naalagaaffiup suliaa EQF pillugu suliaqartup bachelorit taakku assigiinngitsut marluk ersarissumik immikkoortikkai. Naalakkersuisut tamanna pillugu oqaaseqaqquneqarput.

Akissut:

Taaguut "professionsbachelor" Kalaallit Nunaanni atorneqanngitsoq aallaqaasiutigalugu ilisimatitsissutigineqassaaq. Paarlattuanik "atorfinissutaasinnaasumik bachelori" ("professionsrettet bachelor") atorneqartarpoq. Ilisimatusarfik pillugu Inatsisartut inatsisaata nr. 19, 19. november 2007-imeersup maanna atuuttup akuerineqarnerani taaguutip taassuma atorneqarnissaa 2007-imi isumaqatigiissutigineqarpoq. Ilisimatusarnermut ingerlaqqiffiusumillu ilinniakkanut ataatsimut ingerlataqarfimmik pilersitsitsoqarnissaa siunertaralugu, piffissami tassani ilinniakkat ilisimatusarnermut tunnganerulissasut atorfinnut ilinniarfinit sisamaasunit ingerlaannaq kissaatigineqarpoq, tamatumalu kingunerisaanik ilinniakkat taakkua sisamat ilisimatusarfimmut ataatsimut inissinneqarput. Siunnersuummik

siunertarineqartumut tunngatillugu inatsimmut atuuttumut nassuiaatini tullinnguuttut allassimapput:

"Maanna Ilisimatusarfimmi ilinniartitaanerit aamma atorfinissutaasinnaasumik bacheloritut ilinniarnert suliamut aalajangersimasumut ilinniarfinni sisamaasuni Inerisaavimmilu ingerlanneqartartut qulaani pineqartut, katigunnerisa kiisalu Groenlandicap, Oqaasileriffiup, Naatsorsueqqissaartarfiup Nunattalu Toqqorsiviata Pinngortitaleriffiup eqqannguanut nuunnerisigut, ingerlaqqiffiusumik ilinniartitaanerit aamma Kalaallit Nunaanni Kalaallit Nunaallu pillugu ilisimatusarneq ilisimatusarnikkullu paasisat ingerlateqqinnerat qitiusumik nukittorsarneqassapput."

Taakkua saniatigut aamma oqaatigineqassaaq professionsbachelorisut ilinniagaq taamaallaat Danmarkimi ingerlanneqartarpat nunarsuullu sinnerani ilinniagaq taanna immikkut ittoq naleqquttuujunnaarpat, piffissap ingerlanerani ilinniakkap Danmarkimi aamma atorunnaariartorsinnaanera ilimagineqartariaqartoq. Taamaattumik nunatsinni bachelorip nunarsuarmi tamarmi piaarnerpaamik akuerineqarnissaa qulakkeerniarlugu Naalakkersuisut siunnersuut manna aqutugalugu, kingunerisassat akisussaaffigalugit, nunani tamalaani ileqqusoq eqqussimavaat.


7. Naalakkersuisut suna pitsaanerpaajusoraat:

- ***Bacheloritut ilinniarnert tamarmik, qanorluunniit siunissami suliffissanik pisariaqartitsisoqartigaluarpat, ilisimatusarnermik tunngavilimmik siunertaq naleqqussarneqassasoq siunertaq, atorfinissutaasinnaasumik bacheloritut ilinniarneq ilisimatusarfimmi aallartinneqanngikkallarmalli aalajangersarneqartoq, imaluunniit***
- ***Ilinniartitsisutut ilinniartut ilinniartitsisunngorlaallu pisariaqartitsinermik oqaatigisaat malillugu suliffissornerusumik aamma ilinniarnermut tunnganerusumik bacheloritut ilinniartitsisinnaanermut Ilisimatusarfik tunngavissinneqassasoq? (ima paasillugu, qangatut ilinniarnermut taamatuttaarlu professionshøjskoletut Ilisimatusarfimmi ilinniarneq kalaallit nunaanni inuiaqatigiinnut naleqqussarneqassasoq.)***

Akissut:

Naalakkersuisut ilisimatusarnermik tunngaveqarnerup suliffissornerusumillu tunngaveqarnerup akornanni akkerliittoqarneranik takusaqarsinnaanngillat.

Nunarsuarmi pissusiulersut qiviassagaanni inuussutissarsiummik ilinniartut annertunerusumik annikinnerusumilluunniit atuagarsorlutik ukiuni pingasuni sisamani ilinniartut sammisat assigiinngitsut eqqarsaatigalugit ilisimatusarnermut tunngasunik sammisaqartarnissaanik piumasaqaataasartut annertusiartorput.

Inussiarnersumik inuulluaqqustillunga

Ane Lone Bagger



Til Udvalget for Kultur, Uddannelse, Forskning og Kirke

Svar på skriftlige spørgsmål vedr. FM 2019/199, FM 2019/200 og FM 2019/201

25-04-2019
Sagsnr. 2017 - 5069
Dok. nr. 10532282

Naalakkersuisut takker for udvalgets spørgsmål af 9. april, som hermed besvares.

Postboks 1029
3900 Nuuk
Tlf: +299 34 50 00
Email: ikiin@nanoq.gl
www.nanoq.gl

1. Af svar nr. 1 fremgår det, at "metodefrihed" er indeholdt i "forskningsfrihed". Naalakkersuisut bedes definere "forskningsfrihed" henholdsvis "metodefrihed".

a. Er forslaget om at lade "metodefrihed" udgå af den pågældende bestemmelse alene begrundet i et ønske om at forenkle bestemmelsens ordlyd?

Svar:

Naalakkersuisut skal indledningsvis oplyse, at forskningsfrihed ikke er defineret i forslaget, da der her er tale om et almindeligt anvendt begreb. Metodefrihed er ikke defineret, da begrebet ikke indgår i lovteksten. I øvrigt er metodefrihed også et almindeligt anvendt begreb.

Naalakkersuisut henholder sig derfor også til de definitioner af begreberne, der anvendes i relevante kilder.

Om forskningsfrihed kan eksempelvis nævnes definitionen heraf på forskerportalen.dk: *"Forskningsfrihed betegner navnlig frihed til at vælge forskningsemne, frihed til at stille spørgsmål, frihed til at vælge materiale og metoder til at finde svarene, samt frihed til offentligt at fremlægge hypoteser, resultater og ræsonnementer."*

Der kan i øvrigt også henvises til forslagets § 21, stk. 3, 1. og 2. pkt., hvoraf det fremgår, at: *"Institutedelsen kan pålægge medarbejdere at løse bestemte opgaver under hensyntagen til deres frie valg af videnskabelige metoder. Det videnskabelige personale har forskningsfrihed og forsker frit inden for llisimatusarfiks forskningsstrategiske rammer i den tid, hvor de ikke er pålagt andre opgaver."* Af bemærkningerne til denne bestemmelse fremgår følgende bl.a.: *"Den enkelte forsker har forskningsfrihed inden for sit faglige ansættelsesområde med de forpligtelser, der følger af et ansættelsesforhold. Den enkelte forsker har således frihed til at vælge forskningsmetode, fremgangsmåde og emner inden for universitetets forskningsstrategiske rammer."*

Det centrale i forståelsen af forskningsfriheden er, at metodefriheden indgår som en del af forskningsfriheden.

Om metodefrihed kan eksempelvis nævnes definitionen heraf på ordnet.dk: *"Frihed til at benytte den metode som man i en given situation vurderer er den mest effektive i bestræbelsen på at opnå et bestemt mål eller resultat."*

Som nævnt i bemærkningerne til forslaget og i besvarelsen af 26. februar 2019, er metodefrihed indeholdt i forskningsfrihed. På den baggrund anses det som nævnt overflødig at nævne metodefriheden særskilt.

2. Udvalget savner en begrundelse for Naalakkersuisuts antagelse angivet i spørgsmål nr. 4 – Naalakkersuisut bedes oplyse årsagen til Naalakkersuisuts antagelse.

Svar:

Antagelsen baserer sig på besvarelsen af spørgsmål 3 i udvalgets henvendelse af 21. december 2018. Der henvises derfor til besvarelsen deraf.

3. I lyset af svar nr. 17: Betyder en positiv lektorbedømmelse / opnåelse af en lektortitel i henhold til ovennævnte aftales § 6, stk. 1-6, at lektorer besidder de kompetencer, der ønskes på ledelsesniveau i Ilisimatusarfik?

Svar:

En lektorbedømmelse er ikke i sig selv tilstrækkelig til at kvalificere sig til stillingen som rektor eller prorektor. Ud over kravet om en ph.d.-uddannelse stilles der for rektor og prorektor krav om, at de har kendskab til grønlandske forhold og indsigt i uddannelsesområdet samt erfaring med ledelse og udvikling af forsknings- og uddannelsesmiljøer, og at de skal have indsigt i et universitets virke og samspil med det omgivende samfund.

En lektorbedømmelse vil heller ikke altid i sig selv være nok for institut- og afdelingsledere, idet der stilles krav om, at de har undervisningserfaring inden for deres fagområde.

4. Naalakkersuisut bedes redegøre for henholdsvis de internationalt såvel som de i Norden anvendte definitioner for henholdsvis "professionsbachelor" samt "bachelor" – herunder forskelle på uddannelsesforløb, praktik, indhold m.v.

Svar:

Nedenstående tabel viser, at i de nordiske lande er det kun i Danmark, at graden "professionsbachelor" anvendes. I de andre nordiske lande bruges graden bachelor for de uddannelser, som i Danmark klassificeres som professionsbachelor. Når uddannelserne samtidig er gensidigt anerkendte, betyder det, at der i de andre nordiske lande er inkorporeret krav om det, der i Danmark kaldes "professionskompetencer" i selve bacheloruddannelserne.

I European Quality Framework (EQF) er "professional bachelor" ikke defineret. Det betyder både, at professionsbachelorgraden kun bruges i Danmark, og at professionsbachelor uden for Danmark betegnes som en almindelig bachelorgrad, når man via EQF har en gensidig anerkendelse af uddannelserne i Europa samt i store dele af resten af verden.

Table 3. Overview of study programme structure

Country	Qualifications available	ECTS length
Denmark	Academy Profession degrees	90–150
	Professional Bachelor degrees	180–240*
	Bachelor's degree in Arts	180
	Bachelor's degree	180
	Master's degree in arts	120–180
	Master's degree	120
	PhD degree	180
Finland	Polytechnic Bachelor degree	210–240
	Bachelor Degree	180
	Polytechnic Masters Degree	90–120
	Master degree	120
	Doctoral degree	
Iceland	Bachelor degree	180–240
	Candidatus degrees	240–360
	postgraduate certificates	60
	Master degree	120
	PhD	180
Norway	One year programmes (årsstudium)	60**
	College candidate (only in certain study areas)	120**
	Bachelor degree	180–240
	Masters degree	120
	PhD	
Sweden	Higher Education Diploma	120
	Bachelor	180
	Master degree	60–120
	PhD	240

* can also build on Academy Profession degrees.

** can be a part of a Bachelor programme.

Kilde: Higher Education in the Nordic Countries. Evaluation of the Nordic agreement on admission to higher education By: Mari Elken, Elisabeth Hovdhaugen and Jannecke Wiers- Jenssen. Nordic Council of Ministers 2015. ISBN 978- 92- 893- 4053- 3 (PDF)

5. Hvilke overvejelser har Naalakkersuisut gjort sig, om rekrutteringsmulighederne for fremtidige bachelorer i læring, sygepleje m.v. uden for Grønland, når disse ikke længere omtales direkte som havende en "professionsrettet bachelor"?

Svar:

Naalakkersuisut ser ingen problemer heri.

Sygeplejersker modtager grønlandsk autorisation som sygeplejerske. Denne autorisation kan efter ansøgning herom bruges i andre nordiske lande, idet Grønland har tilsluttet sig en fællesnordisk aftale herom (Arjeplog-aftalen). Desuden kan det hertil tilføjes, at sygeplejerskeuddannelsen i Grønland allerede opererer med den danske betegnelse "Bachelor i sygepleje", på grønlandsk "Peqqissaasoq Bachelorinngorniarfik" og på engelsk "Bachelor of science in nursing". Indholdet i uddannelsen, læringsmålene osv. er ikke ændret på trods af, at uddannelsen ikke længere betegnes som en professionsrettet bacheloruddannelse.

I flere af de nordiske lande er læreruddannelsen en kandidatuddannelse, dvs. en universitetsuddannelse. Dette er bl.a. tilfældet i Finland, Norge og Island. Naalakkersuisut ser det derfor ikke som et problem, at læreruddannelsen i Grønland kaldes en bacheloruddannelse, idet det er indholdet, der er det essentielle. Det er ikke tilsigtet, at der skal

være mindre praksisorienteret undervisning, eller at uddannelsens varighed skal afkortes, blot fordi læreruddannelsen ændrer titel fra professionsrettet bacheloruddannelse til bacheloruddannelse.

Naalakkersuisut er af den opfattelse, at det er læringsudbyttet og det faglige indhold i uddannelsen, der har betydning, og ikke selve betegnelsen, da dette varierer fra land til land.

6. Udvalget undrer sig over forslaget om den foreslåede ophævelse af sondringen mellem "professionsbachelor" og "klassisk bachelor" (§ 11, stk. 1 i FM2019/200). Udvalget kan således konstatere, at det danske uddannelses- og forskningsministerium, der varetager Statens arbejde med EQF netop klart sonderer mellem disse to typer bachelorer. Naalakkersuisut bedes kommentere herpå.

Svar:

Indledningsvis skal der gøres opmærksom på, at betegnelsen "professionsbachelor" ikke anvendes i Grønland. I stedet anvendes "professionsrettet bachelor". Dette udtryk blev man enig om at anvende i 2007, da den gældende Landstingslov nr. 19 af 19. november 2007 om Ilisimatusarfik blev vedtaget. Allerede på dette tidspunkt ønskede man, at uddannelserne på de 4 professionsskoler skulle blive mere forskningsbaserede, og som et led i denne proces, blev de 4 professionsskoler lagt sammen med Ilisimatusarfik, således at der kunne skabes ét samlet center for forskning og videregående uddannelser. Af bemærkningerne til den gældende lov fremgår følgende om formålet med forslaget:

"Sammenlægningen af de nuværende universitetsuddannelser og uddannelserne til professionsrettet bachelor på de 4 professionsskoler og Inerisaavik, der er nævnt oven for samt indflytningen i Ilimmarfik sammen med Groenlandica, Sprogsekretariatet, Grønlands Statistik og Landsarkivet og nærheden til Naturinstituttet, skaber et kraftcenter for videregående uddannelser, forskning om, for og i Grønland og formidling af denne forskning."

Derudover kan det tilføjes, at når professionsbachelorgraden kun eksisterer i Danmark, må det formodes, at graden med tiden forsvinder i Danmark også, idet resten af verden ikke kan forholde sig til denne specielle danske grad. Naalakkersuisut har derfor med dette forslag taget konsekvensen og indført den internationale norm for at sikre, at vores bachelor også bliver anerkendt i hele verden hurtigst muligt.

7. Hvad finder Naalakkersuisut mest optimalt:


- *at samtlige typer bacheloruddannelser, uanset behov på den fremtidige arbejdsplads, tilpasses målet om forskningsbaseret – et mål, der blev fastsat inden Ilisimatusarfik begyndte at udbyde professionsbachelorer, eller*
- *at Ilisimatusarfik gives klar hjemmel til at udbyde mere praksisorienterede professionsrettede bacheloruddannelser i stil med det udtrykte behov blandt en række lærerstuderende og nyuddannede lærere? (Dvs. at der åbnes op for, at Ilisimatusarfik uddannelsesprofil tilpasses det grønlandske samfund, ved at være et klassisk universitet såvel som en professionshøjskole.)*

Svar:

Naalakkersuisut ser ingen modsætning mellem forskningsbaseret og praksisorienteret.

Ses der på den globale tendens, stilles der stadig mere specifikke krav til orientering mod forskning inden for alle fag, som uddanner til erhvervs-karrierer med en mere eller mindre boglig uddannelse af 3-4 års varighed.

Med venlig hilsen


Ane Lone Bagger



Ilisimatusarfik
Rektori Gitte Adler Reimer
gitr@uni.gl aamma
Pisortaq Henriette Nolsøe Rosing
henr@uni.gl

Ulloq: 20-11-2018
J.nr.: 01.39.01.03-00200

UKA2018/199, UKA2018/200 aamma UKA2018/201 Qaffasinnerusumik ilinniartitaanerit aamma Ilisimatusarfik pillugit ataatsimiinnissamut qaaqqsissut

Inatsisissatut siunnersuutit ukua pingasut UKA2018/199, UKA2018/200 aamma UKA2018/201 siullermeerneqarnerisa kingorna Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliamut innersuunneqarput suliareqqitassanngorlugit. Tusarniaanermi akissutit tigungnerisa kingorna, inatsisissatut siunnersuutit nassuiaatit inatsisillu oqaasertai misissoreerlugit siunnersuutit aappaasaaneerneqarnissaat pingajussaaneerneqarnissaallu UPA2019-imut kinguartinnissaat ataatsimiititaliap Inatsisartut Siulittaasoqarfianut qinnutigisimavaa. Siulittaasoqarfiup tamanna akuerisimavaa.

Inatsisissatut siunnersuutit taamatut isikkoqartillugit akuerineqassappata, taakkunannga attorneqarumaartunut kingunerisassaasa suliaralugit misissorluarnissaa ataatsimiititaliap kissaatigisimavaa. Minnerunngitsumik ataatsimiititaliap pingaartippai:

- Ulluinnarni aqutsinermut naalackersuinikkut akuliuttannginnissaq
 - o Inatsisissatut siunnersuutit Ulluinnarni aqutsinermut naalackersuinikkut akuliuttannginnissamik ilumut annikillisitsinersut.
- Ilisimatusarfiup kiffaanngissusaa ilisimatusarnermilu kiffaanngissusaa
 - o Ilisimatusarfiup ataqqisaanera nunani allani appassanersoq, ilimatsaanneqarpat naalackersuinikkut annertunerusumik akuleruttoqartartoq assersuutigalugu Naalackersuisut ilisimatusarnerit akuerissutigisassagaat aamma siulersuisunut ilaasortanik toqqaanermi innersuutitnik peqqaartariaarullutik.
- Ilinniartitaanermi piumasaqaatit
 - o Ilinniartitaanermi ulluinnarni ingerlatsinermi piumasaqaatit aqutsisut qaffasissusaanni assigiinngitsuni kiisalu sulisussarsiornermi periarfissat Ph.D-mik piumasaqaat pisortanut tamanut atorneqassasoq aalajangiunneqassappat.


Qulaani pineqartut pillugit ataatsimiititaliap Ilisimatusarfik ataatsimeeqatiseraa, tusarniaanermilu akissutiminik itisilerinissaanut Ilisimatusarfik periarfissillugu.

Ataatsimiititaliami ilaasortat amerlanerit Nuup avataani najugaqarmata, ataatsimiititaliap siunnersuutigisavavaa, ataatsimiinneq pissasoq tallimannorgoneq ulloq 30. november 2018 nal. 13.00-

15.00 Inatsisartut ataatsimiittarfianni "Erling Høegh"-imi. Piffissap taamaasinerani ataatsimiititaliami ilaasortat tamarmik suli nuummiissapput UKA2018-p naammassinerani.

Ulloq taanna Ilisimatusarfik periarfissaqassoq ataatsimiititaliap neriuutigaa. Qulaani pineqartunut apeqqutit, piffissaq siunnersuutaasoq pillugu, ataatsimiititaliap allattaa, Rikke Frederiksen, saaffigineqarsinnaavoq mailikkut rfr@ina.gl, soorlu ataatsimiinnemi peqataanissamut nalunaarneq mailikkut tassuuna nalunaarutigineqarsinnaapput imaluunniit oqarasuaatikkut 346122.

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq
Inussiarnersumik inuulluaqqusillunga



Doris J. Jensen

Ataatsimiititaliap siulittaasua



Ilinniartitaanermut, Kultureqarnermut,
Ilageeqarnermut Nunanullu Allanut
Naalakkersuisoq
ikin@nanoq.gl

Ulloq: 13-05-2019
J.nr.: 01.39.01.03-00199

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliamit pingasunngornermi ulloq 15. maj nal. 17.00 ataatsimiittarfik "Erling Høeghimi" nukingiussamik siunersiorneqarnermut aggeqqusissut (Inatsisartut ataatsimiittarfianni ataatsimiinneq nal. 17.00 naammassisimangippat siunersiuineq inersuami ataatsimiinnerup naammassinera kinguinngua aallartissaaq).

Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliap matumuuna Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq siunnersuutit UPA2019/199, 200 kiisalu 201 pillugit siunersiuinermit aggersarpaa. Siunersiuinermit makku oqaluuserineqarnissaat ataatsimiititaliamit kissaatigineqarpoq:

- 1. Ataatsimiititaliap UPA2019/199-imut, 200-mut kiisalu 201-mut tunngatillugu kissaatai pillugit ataatsimiititaliamit ilisimatitsineq.**
(Ataatsimiititaliap inatsisissatut siunnersuutit tunngatillugu maannakkut kissaatigisai ataatsimiititaliap Siulittaasuanit ataatsimiititaliaq sinnerlugu naatsumik nassuiaatigineqassapput).
- 2. Ataatsimiititaliap UPA2019/199-imut, 200-mut kiisalu 201-mut tunngatillugu kissaatai pillugit Naalakkersuisup oqaaseqaatai.**

Imm. 1, suliarinninnermi allakkiamik siunnersuutit pineqartut taasissutissartaannut tunngatillugu ataatsimiititaliamit namminermit atorneqarsimasumik aallaaveqassaaq. Suliarinninnermi allakkiaq Naalakkersuisunut ilisimatitsissutit imm. 2-lu malillugu oqaaseqarfigisassanngorlugu siunersiuinermit aggeqqusissummut ilanngussatut ikkunneqarpoq.

Siunersiuinermit ataatsimiititaliap Naalakkersuisut oqaaseqaataanut malitsit apeqquteqartarnissaa naatsorsuutigineqassaaq, soorluttaaq ataatsimiititaliamut ilisimatitsissutigineqartut pillugit Naalakkersuisumik oqaloqatigiinnissuteqarnissamut ataatsimiititaliaq piareersimasoq.

Ataatsimiititaliap Naalakkersuisumik siunersiuinerata Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisup ataatsimiititaliallu akomanni pingaarnersiuilluni tullerriaarinerit anguniakkallu pillugit naalakkersuinermit tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu oqaaseqaatit siuliani kissaatigineqartut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kinguninngua uunga nassiunneqarnissaa qinnutigineqarpoq: ina@ina.gl kiisalu uunga assilinerterlugu rfr@ina.gl. Allakkiap ataatsimiititaliap Naalakkersuisumik siunersiuineranut nassameqarpat atorneqarpallu taassuma nuutinnera ataatsimiititaliap Naalakkersuisumik siunersiuinerata aallartinnerani ataatsimiititaliap oqalutnaanun tunniuteqquneqarpoq.

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq sinnerlugu

Inussiarnersumik



Doris J. Jensen

Ataatsimiititaliap Siulittaasua



Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliamut

Allakkiaq, pillugit siunnersuutit UPA2019/199, 200 aamma 201

Matumuuna Naalakkersuisut oqaaseqaataat ataatsimiititaliap kissaataanut UPA2019/199, 200 aamma 201-imut. Allakkiaq taamaallaat tunngasuvoq sammisanut ataatsimiititaliap allannguuteqartussatut siunnersuutigisaanut imaluunniit itigartitaanut.

22-05-2019
Sagsnr. 2017 - 5069
Dok. nr. 10771004

Postboks 1029
3900 Nuuk
Tlf: +299 34 50 00
Email: ikiin@nanoq.gl
www.nanoq.gl

Siulersuisut - najugaqartuunissamut piumasaqaat, ilaatigut siulittaasumut

Naalakkersuisut nalilerpaat piumasaqaateqarnikkut siulittaasup Kalaallit Nunaanni aalajangersimasumik najugaqartuunissaanik piffissami atuuffiusumi tamarmiusumi qularnaarneqassasoq siulittaasup inuiaqatigiinni kalaallini pissutsinut malinnaanissaa.

Naalakkersuisut suli tamanna pissusissamisoortutut isigaat, kisiannili tusarusussallugu ataatsimiititaliap tunngavilersuutaa piumasaqaatip peerneqarnissaanut.

Siulersuisut – Ilisimatusarfimmiit inassuteqaateqartitsineq

Tassani innersuunneqarsinnaapput Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap 21. december 2018 apeqqutigisaanut akissutigineqartut. Tassani imaattut ersipput: "Naalakkersuisut taamaasillutik nalilerpaat pissusissamisoortoq susassaqtut arlaqtut assigiinngitsut isumasiorneqarnissaat, tamatumani aamma Ilisimatusarfik. Naalakkersuisut taamaattoq nalilerpaat pisariaqanngitsoq siunnersuummi namminerimi pisussaaffiliisoqassasoq Ilisimatusarfimmiit inassuteqaatinik pituttuisuunngitsumik piniartoqartarnissaanik, kisiannili ilutigisaanik pissusissamisoortillugu nalunaarneqassasoq erseqqissumik inassuteqaammik pineqartutut piniartoqartarsinnaasoq."

Naalakkersuisut taamaasillutik kissaatigaat susassaqtunik naleqquttunik arlaqtunik akulerussisoqartarsinnaasoq, Ilisimatusarfiup siulersuisuinut ilaasortassanik toqqaanissamut atatillugu. Allannguinnissamut siunnersuutigineqartumut tunuliaqutaasoq tassaangilaq Ilisimatusarfiup akulerunneqannginnissaa, kisiannili illuatungiusut susassaqtut arlaqtut tusarniarneqartarnissaat pineqarpoq. Inassuteqaataasorlu inatsisit atuuttut naapertorlugit pituttuisuunngimmat, Naalakkersuisut naliliingilaat allannguutissatut siunnersuutigineqartoq annertunerusutigit allaanerusunik ileqqunik pilersitsissasoq.

Naalakkersuisut tamanna pissusissamisoortutut nalilerpaat, kisiannili soqutigissallugu ataatsimiititaliap aalajangersakkap allanngortinnissaanut tunngavilersuutai tusassallugit.

Ph.d.-tut ilinniarmik piumasaqaat rektorimut/rektorip tullersortaanut

Tamanna Naalackersuisut pisariaqartutut isigaat Iisimatusarfimmi sammisatigut qaffasissumik inissisimanissap qulakkeernissaanut kiisalu Iisimatusarnerup suliffeqarfimmi tamarmiusumi tunngaveqartinnissaanut tamanna pisariaqartuusoq. Inuiaqatigiit piumasaraat ilinniartitsineq aamma Iisimatusarneq qaffasinnerpaamik pitsaassuseqassasoq. Taamaattumik piumasaqaataangilaq annertuallaartoq rektorip aamma rektorip tullersortaata taakkunani arlariinni piginnaasaqartuunissaat. Piumasaqaat tamanna aamma Iisimatusarfinni allani piumasarineqarpoq, pitsaassusissanik qularnaariniarnemi. Qaffasinnerusumik ilinniartitaanerut inatsisissatut siunnersuummi § 18-imi aalajangersarneqarpoq qaffasinnerusumik ilinniartitaanerit ataasiakkaat pitsaassusissanik qularnaarisassasut nunat tamalaat akornanni tunngaviit atuutuusut naapertorlugit. Tamanna naammassiniassallugu ajornartorsiutitaqarsinnaavoq, piumasaqaatinik aalajangersaasoqarsimanngippat, minnerpaamik pisortasut Ph.d.-mik ilinniagaqarsimasuussasut. Piumasaqaallu soorluuna annertuneruutigut isornartorsiomeqarsimanngitsaq tusarniaanermi siunnersuummik, imaluunniit siunnersuutip siullermeerneqarnerani.

Tamatumanilu IA-p oqaatigaa inersuarmi siullermeerinermi piumasaqaat nalominartortaqartillugu, isumaqaramik tamatuma killilersorsinnaagaa maanimiunik pisortatut atorfinitsitsinnaaneq. Partii Naleraq aamma piumasaqaammik nalominartortaqartitsivoq, erummatigineqarmat piffissap ikaarsaarfiusup ukiuni 10-nik sivilissusillip qaangiunnerani naammattunik najugaqavissunik taamatut ilinniagalinnik peqalersimassanersugut.

Demokraatit erseqqissaatigaat iluarisimaarnartut, aammalu siunnersuut tamakkiisumik tapersorsoritsik oqaatigalugulu piginnaasat pingaamerpaatut inissisimajuaannassasut. Atassutip aamma piumasaqaat ilalerpaa erseqqissaatigalugu alloriarneq nunat tamalaat akornanni annertussutsini ileqqussanut alloriarnerusoq pitsaasoq.

Naalackersuisut tusarusussinnaavaat ataatsimiititaliap tunngavilersuutaa Ph.d.-mik piumasaqaat rektorip tullersortaanut atuutissanngitsaq, kisiannili tunngavilersuutit eqqaaneqareersut pissutigalugit tamanna ilalersinnaanagu.

Pisortasunut tamanut Ph.d-mik piumasaqarneq

Iisimatusarfinni akuerisaasuni tamani Kalaallit Nunaata avataaneersuni minnerpaatut piumasaqaataavoq ilinniartitsisunut aamma pisortanut Ph.d-mik ilinniagaqarsimasuunissaq. Kalaallit Nunaata aamma Iisimatusarfiup nunat tamalaat akornanni piumasaqaatit naammassiniarunikkat, taava ilinniartitsisut aamma pisortat tamamik taamatut angusaqarsimasariaqarput. Siunnersuummili uani taamaallaat piumasaqaataavoq pisortasut taamatut ilinniarsimasuussasut, ukiuniillu qulinik piffissaliisoqarluni piumasaqaatip atortuulersinneqarnissaanut. Piffissamut ikaarsaarfiimmuut atatillugu siunnersuut ukiunik 10-nik sivilissusilik ilanngunneqarpoq Iisimatusarfimmit siunnersuut tunngavigalugu.

Piumasaqaateqartoqanngippat ph.d.-mik ilinniagaqarnissamik, taamaallaallu qaffasissusissamut aqutissamik innersuussilluni, Ph.d.-mik anguniagaqarnissamik, kisiannili kandidatit nalingat akueralugu, tamanna inatsilerinermi isumaqassaaq taamaallaat piumasaqaataasoq kandidatiunissaq, taamalu malittarisassat atuuttut atuutiinnassallutik.

Naalakkersuisut tusarusussavaat tunngavilersuutaasut Ph.d.-mik piumasaqaat atuutissanngitsoq instituttinut aamma immikkoortortani pisortanut, kisiannili maannakkut siuliani tunngavilersuutigineqartut naapertorlugit tamanna ilalersinnaanagu.

Ilinniagartuut siunnersuisoqatigiivi – rektori peqataajunnaassaaq

Inatsisit atuuttut naapertorlugit ilinniagartuut siunnersuisoqatigiivi suliani assigiinngitsuni rektorimut oqaaseqaateqartussaapput, taannalu inaarutaasumik aalajangiisussaalluni. Taamaattumik Naalakkersuisut pissusissamisoortinngilaat rektorip ilinniagartuut siunnersuisoqatigiivini issiaqataanissaa. Taarsiullugu siunnersuutigineqarpoq rektori, rektorip tullersortaa aamma Ilisimatusarfimmi pisortaq alaatsinaattut ataatsimiinnemi najuuttassasut, tamanna ilinniagartuut siunnersuisoqatigiivianiit pissusissamisoortinneqaraangat. Taamatut aaqjissuussinikkut rektori sulii akulerunneqartarsinnaavoq aammalu ilisimatinneqartarsinnaalluni maanna inatsisini atuuttuni aalajangersakkani pineqartutulli.

Naalakkersuisut sulii tamanna pissusissamisoortut isigaat, kisiannili ataatsimiititaliap aalajangersakkamut tapersersuinnginneranut tunngavilersuutai tusarusussallugit.

Taxameteri atorlugu tapiissuteqartarnermik eqquassinissamut periarfissat

Ataatsimiititaliap 21. december 2018 apeqqutigisaanut akissut tassani imaattut ersipput: "Kalaallit Nunaanni inuussutissarsiutitigut ilinniartitaanerni tapiissutit ilaat taxameteri najoqqutaralugu tapiissutit tunniunneqartarput. Atuarfiit namminneq kontumik pingaarnermik najoqqutassaqarput, taakkunanilu ingerlatsinermut aningaasaliissutit takuneqarsinnaallutik. Tamatuma saniatigut atuarfiit suliniutigineqartut aallaavigalugit tapiissutinik tunineqartarput, taakkualu atuarfiup sammisaanut piumasaqaatit tigussaasut tunngavigalugit (sammisaq akigititartu) aningaasaliissutit inatsisitigut pisussaaffiusut aqutugalugit tunniunneqartarlutik, takuuk 40.91.31, Suliniutit aallaavigalugit tapiissutit (Aningaasaliissutit inatsisitigut pisussaaffiusut). Taamaammatt taxameteri najoqqutaralugu tapiissutinik tunniussisarnermik Naalakkersuisut ajunngitsumik misilittagaqarput."

Naalakkersuisut isumaqarput ajunngitsunik periarfissaqartoq tapiissutit ilaasa taxameteri atorlugu tapiissutit tunniunneqartarnissaannut. Ineriartortitsinermut isumaqatigiissummik suliaqarnermut atatillugu tamanna qiimmassaataasinnaavoq suliaasaqarfinni arlaqartuni ineriartortitsinissamut. Periarfissaassanngippat tapiissutit ilaasa taxameteri atorlugu tapiissutit tunniunneqartarnissaannut, ineriartortitsinermut isumaqatigiissutip sunniutissaasa ilai annikinnerulissapput, Ilisimatusarfiup ineriartortinneqarnissaanut aningaasaqarnikkut kaammattuutissat ilaat annikinnerulissammata.

Tusarniaanermut atatillugu isorinnittumik oqaaseqaataasunut atatillugu innersuunneqarsinnaapput tusarniaanermi akissutinut oqaaseqaatini nalunaarneqartut: "Aallaniutigalugu eqqaaneqassaaq pineqarmat aalajangersagaq "sinnaavoq", taamaattumillu piunasaqaateqarani aningaasaliissutit ilaasa taxameterimik tapiissuteqartarnikkut pisamissaanut. Tamatumunngalu atatillugu eqqaaneqassaaq tapiissutit ilaannaat taxameteri atorlugu tapiissutit tunniunneqarsinnaammata, aammalu ilinniartitaanerit ilaanni amerlasuuni isumaqarnaviarani taxameteri atorlugu tapiissuteqartarnissaq, ilinniagaqartussatut tunngaviusut ikinneri pissutigalugit, soorlu tusarniaanermut akissummi nalunaarneqartoq."

Naalackersuisut tusarusussavaat ataatsimiititaliap tunngavilersuutai aalajangersakkamik tapersersuinnginnermut, kisiannili tunngaviusut eqqaaneqartut aallaavigalugit tamanna ilalersinnaanagu.

Atorfinissutaasinnaasumik bachelor – taaguutip atorunnaarsinnissaa

Naalackersuisut malugeqqussavaat ataatsimiititaliap ilassutitut apeqquutaanut 9. april 2019-imeersumut akissutaasut, tassani ilaatigut ersimmat:

"Taaguut "professionsbachelor" Kalaallit Nunaanni atorneqanngitsoq aallaqqaasiutigalugu ilisimatitsissutigineqassaaq. Paarlattuanik "atorfinissutaasinnaasumik bachelor" atorneqarpoq. Ilisimatusarfik pillugu Inatsisartut inatsisaata nr. 19, 19. november 2007-imeersup maanna atuuttup akuerineqarnerani taaguutip taassuma atorneqarnissaa 2007-imi isumaqatigiissutigineqarpoq. Ilisimatusarnermut qaffasinnerusumillu ilinniakkanut ataatsimut ingerlataqarfimmik pilersitsisoqarnissaa siunertaralugu, piffissami tassani ilinniakkat ilisimatusarnermut tunnganerulissasut atorfinissutaasinnaasumik ilinniarfinnut sisamaasunit ingerlanneqarnissaa aalajangersarneqarpoq, tamatumalu kingunerisaanik ilinniakkat taakkua sisamat ilisimatusarfimmut ataatsimut inissinneqarput. Siunnersuummik siunertarineqartumut tunngatillugu inatsimmut atuuttumut nassuiaatini tullinnguuttut allassimapput:

"Maanna ilisimatusarfimmi ilinniartitaanerit aamma atorfinissutaasinnaasumik bacheloritut ilinniarterit suliamut aalajangersimasumut ilinniarfinni sisamaasuni Inerisaavimmilu ingerlanneqartartut qulaani pineqartut, katigunnerisa kiisalu Groenlandicap, Oqaasileriffiup, Naatsorsueqqissaartariup Nunattalu Toqqorsiviata Pinnqortitaleriffiup eqqannguanut nuunnerisigut, ingerlaqqiffiusumik ilinniartitaanerit aamma Kalaallit Nunaanni Kalaallit Nunaallu pillugu ilisimatusarneq ilisimatusamikkullu paasisat ingerlateqqinnerat qitiusumik nukittorsameqassapput."

Taakkua saniatigut aamma oqaatigineqassaaq professionsbachelorisut ilinniagaq taamaallaat Danmarkimi ingerlanneqartarpat nunarsuullu sinnerani ilinniagaq taanna immikkut ittoq naleqquttuujunnaarpat, piffissap ingerlanerani ilinniakkap Danmarkimi aamma atorunnaariartorsinnaanera ilimagineqartariaqartoq. Taamaattumik nunatsinni bachelorip nunarsuarmi tamarmi piaarnerpaamik akuerineqarnissaa qulakkeerniarlugu Naalackersuisut siunnersuut manna aqqutigalugu, kingunerisassat akisussaaffigalugit, nunani tamalaani ileqqusoq eqqussimavaat."

Naalackersuisut nalilerpaat pissusissamisoomerussasoq taaguut atorfinissutaasinnaasumik bachelori kalaallit ilinniartitaanermik ingerlatsiviini atorneqassanngitsoq. Tamatumunnga atatillugu eqqaasitsissutigineqassaaq Ilisimatusarfik tusarniaanermut atatillugu nalunaarmat isumaqatigalugu immikkoortitsisoqannginnissaa atorfinissutaasinnaasumik bachelorimik aamma nalinginnaasumik bachelorimik. Ilisimatusarfiup qaffasinnerusumik ilinniagaqartarnermut inatsisissatut siunnersuutip tusarniaassutigineqarneranut atatillugu aamma oqaatigaa siunissamut isiginiarnerusooq immikkoortitsiunnaarnissaq.

Naalackersuisut suli pissusissamisoortippaat immikkoortitsinerup atorunnaarsinnissaa, kisiannili tusarusussallugu ataatsimiititaliap tamatumunnga tapersersuinnginnerminut tunngavilersuutaa.

Nunani allani najugaqartarnek – bachelorinut piunasaqaatit

Ilisimatusarfik ataasiinnaq, aammalu nunatta avinngarusimanera kulturikkullu inissisimanera isiginiaraanni aarlerinaateqarpoq nunatsinni "ilinniagartuutut kulturi imminut mattuteqqasoq" ineriartorsinnaasoq, nunat tamalaat akornanni atugassarititaasut piunasaqaatillu malinnagit. Piffissap ingerlanerani tamatuma kingunerisinnaavaa Ilisimatusarfiup "mattuteqqanera". Ullumikkut periarfissaqarpoq Ilisimatusarfimmi allatsinnissaq aamma Ph.d.-mik angusaqarnissaq ilinniagartuunut avatangiisinik allanik misilittagaqarani. Nunani allani najugaqarneq ilinniagartuunngorniartunut ilinniakkani avatangiisinik ilinniarnerrillu ingerlanneranut misilittakkanik katersinissamut periarfissiisarpur paasisimasaqartitsilersarlutillu, nunat allat assigiinngitsunik aqqissuussineqartut ilinniagartuutullu naleqartitanik peqartut. Taamaasillunilu siunertaavoq ilinniagartuunngorniartut nukittorsarnissaat inerisarnissaallu, aammalu nunatta avataaniit misilittagaqalernissaat, Kalaallit Nunaannut iluaqutaajumaartunik.

Tamatumunnga oqaatigineqassaaq immikkut akuersissuteqarsinnaanermut aalajangersakkamik ilanngussisoqarmat, pissutsinik immikkut ittunik atugassaqarsinnaammat, ilinniagartuunngorniartup Kalaallit Nunaanni qimatsisinnaannginneranut pissutaasunik.

IA-p siullermeerinermi innersuuppaa Ili Ili-p mianersoqqusissutaa, ajornartorsiutitaqarmat bachelorinngorniartut ilinniagaqartut tamarmik nunani allani najugaqartarnissaat ilinniakkaminnut atatillugu, ilinniartut ineqarfiinik amigaateqarneq ernummateqartitsisarmat.

Demokraatit oqaatigaaq immikkut nuannaarutigalugu inatsisitigut qulamaarneqarmat nunat tamalaat ilinniartitaanerinut nallersuuttumik ilinniartitaanernik aqqissuussineq. Partii Naleraq aamma tapersiivoq nunani allani ilinniagaqartarnermut aalajangersakkanut.

Ajornartorsiummut ilinniartunut inissiat eqqarsaatigalugit ilinniagaqartunut nunatta avataaneersunut atatillugu eqqaaneqassaaq tamanna isiginiarneqarsimammat ilinniartut ineqarfii pillugit Inatsisartut inatsisissaattut siunnersuummi, naatsorsuutigineqartumi

UKA2019-imi saqqummiunneqartussatut. Aammali ileqqoqarpoq aaqqissuussamik tikeraatut ilinniagaqartunut ilinniartutut inissanik pissarsiortarnermut atatillugu.

Naalakkersuisut tusarusussavaat ataatsimiititaliap tunngavilersuutai aalajangersakkamik tapersiinginnermut, kisiannili uani eqqaaneqartut tunngavigalugit tamanna ilalersinnaanagu.

Ilinniagassanik aaqqissuussinerit – Naalakkersuisunit akuerineqartarput

Ilinniagassannik aaqqissuussineq malunnaatilimmik allannguuteqartinneqarpat, assersuutigalugu ilinniakkamut isernissamut piumasaqaatini, imaluunniit ilinniagaqartup ilinniakkamik naammassiguni piginnaanerisassaani, taava tamanna ilisimatusarfiup avataani kinguneqarsinnaavoq. Naalakkersuisut kissaatiginngilaat ilinniagassanik aaqqissuussinerit naalakkersuinikkut aqunneqarnissaat, kisiannili siunnersuutikkut taamaallaat qularnaamiarlugu ilinniagassanik aaqqissuussinernik allanguinerit ilinniakkami tiguneqartarnermi allannguinerik kinguneqassanngitsut, imaluunniit kandidatitut naammassisut piginnaanerini allannguissanngitsut, tamanna ilisimatusarfimmit nailiivigineqanngitsumik.

Naalakkersuisut suli pissusissamisoortutut isigaat ilinniagassanik aaqqissuussinerit akuerineqartarnissaat, kisiannili ataatsimiititaliaq tusarusullugu siunnersuummik tapersersuinnginnermut tunngavilersuutaat pillugit.

Ilinniartitaanermut akitsuut – fagit ataasiakkaat aamma faginit aalajangersimasunut sammivilimmik pikkorissartitsinerit

Assersuutigalugu inissanik inuttaqanngitsunik fagini peqarpat ilinniakkani pilersinneqareersuni, taava ilinniarfiup fagit taakkua neqeroorutigisinnaavai ilinniartitaanermullu akitsuummik tamatumunnga akiligassiilluni. Tamatuma pissusissamisoortutut isigineqarneranut tunuliaqutaavoq ilinniartitaanermut akiliuteqartitsisoqarsinnaammat, inuit ilinniagaqareersimasut, taanna inuiaqatigiinnut akilersissimallugu ilinniagaqarnersiuteqarlutillu, ilinniakkamik ingerlatseqqinnissamut akiliuteqartinneqarsinnaasariaqarmata ilinniagaqaaqqinnissami ilinniakkami kissaatigisaminni. Nunatta karsiata ilinniagaq ataaseq akilereersimavaa, taakkualu suliffeqareersuusarput, imminnullu pilersorsinnaallutik.

Kiisalu faginit ataasiakkaanut atatillugu ilinniarnertuunngorniarfimmi ilinniagaqarnermi piumasaqaataavoq, ilinniarnertuunngorniarfimmi ilinniartitsissutit ataasiakkaat, ilassutit ilinniarnertit imminnullu ilinniartittarneq pillugit Namminersorlutik Oqartussat nalunaarutaat nr. 27, 17. november 2016-imeersumi § 77, imm. 3 naapertorlugu, tassani ersimmat: "Ilinniartuq ilinniagaqarnissamik siunnerfeqarani ilinniartitsissutinik ataasiakkaanik ilassutitullu ilinniagassanik piginnaanngorsaataasumik ilinniagaqarusukkuni nammineerluni ilinniarnerni akiliuteqassaaq."


Tamatumalu saniatigut eqqaaneqarsinnaavoq ilinniarfiit pisinnaatitaammata ingerlatsisinnaanermut isertitsissutaasartunik suliaqarnertigut, ilisimatusarfiullu neqeroorutigereemagut ilinniakkat akiliuteqarnikkut ingerlanneqartartut,

assersuutigalugu HD-mi immikkoortut aappaat, taamaattumillu akiliuteqartitsisarnikkut nammineq ingerlatsisarneq eqqumiitsortaqarani.

Naalackersuisut suli tamanna pissusissamisoortut isigaat aalajangersakkani ilaasussatut, kisiannili ataatsimiititaliap isumaliutersuutai tamanna pillugu tusarusussallugit.

Inussiarnersumik inuulluaqqusilluta

Med venlig hilsen



Ane Lone Bagger